

萬載縣志
第五冊



庫 11309
民國廿九年

萬載縣志卷四之一

食貨

田賦附清宋元明

食爲民天而東南宜稻縣境磽瘠而稻能再熟夏秋俱獲是爲有
年早稻熟而晚失收其不能收者高因旱而低或有蟲第就秋收
言之而夏熟無是也今年春水不足高田未插秧者十之三數十
年所僅見農村之所望者秋收也晚禾當待澤最急之時亢陽旬
月而高田絕望有水而被蟲者收不及半天何言哉米價十斗已
昂至法幣伍拾元視去歲臘底之十七八元卽工價與之俱高雜
糧可以少補來日方長雜派無已鹽斤市秤照票公賣七角五分

計口撥食人日三錢無票者不能遍也不是而取之於私則一元
二三角竊聞今日之公賣名爲公而其中實私政府規定口食五
錢減而至四錢再減至三錢若輩囊橐已滿脫身以去近有起而
議之者不知其果能澈底澄清否耶油無公私之分市秤一斤法
幣八角入猪肉一斤七角牛肉一斤六角類皆有資於日食者上
下兩三年價值之倍蓰懸絕如此羣以爲法幣使然蓋不勝無米
而炊之嘆也秋風蕭瑟霜露侵人禦寒不可無具舶來之機布昂
至數十倍棉花來自鄂皖或遠從淞滬市秤一斤法幣兩元二三
角戶口日減力役日加村農之送差者至曠旬日硝磺爲爆竹原
料稅日加收雜稅則猪羊有捐烟酒有捐甚至於石灰煤炭水碓

都有捐率由於包多取倍稱之息而屠宰爲甚去年商人之營業
鹽利以鉅萬計舶來品次之包辦則食鹽公賣之利最鉅屠宰又
次之苦遍村農而下戶淡食朱門酒肉臭而窮檐婦孺不免飢餓
欲死百穀因旱減收而交通阻滯土產幾乏消場商人之糶賤販
貴亦有時而緡民爲邦本前後顧而不勝悵惘之思矣十月日記

國課早完截串歸農民踴躍上供官體卹下情盡人能言之亦盡
人能知之矣前明賦重未遑遠及遜清順治康熙之間大亂削平
民力拮据田苦於荒絕官困於考成吳常二公之贖可覆按也仁
皇六十一年迄於雍乾重熙累洽又承永不加賦之詔萬載稅糧
掃數輪納分毫不少我生之初聞之熟矣清季免縣人鄉試士子

三場卷費以勸急公而未知歷年之掃數者未必無一人之帶欠也疲困下戶無時無之歲十二月鄉間父老敦囑義倉義學及各慈善會之糧臘盡始完既完則凡花戶之未完者悉行下圖此歷年掃數之實在情形也下圖云者蓋以帶欠之串截入區差之手取倍稱之息或五十百倍而未已清例奏銷在逾年四月而當官若急不能待習慣然也民國肇建停止下圖而疲頑之戶遂以爲可拖而免帶欠日多附加日甚有每兩正銀完至十四元者十九二十年間鄉民醉心共產城廂二三十里外無田可管即亦無糧可完蕩析離居官民交病二十二年漸告收復二十四年山近尚遺累進稅而田有人耕業不失主加以追呼日亟正附確定且

有踰期滯納之罰在廢曆十月昔屬輸將方旺之時而今瞬屆加罰開始之日趨利遠害人有同心蓬頭赤足之農紛紛投納乃至持款立櫃前半日無人接受既投交矣半月兼旬無串截給遠鄉糧戶守候維艱糧櫃經收率皆食稻一入公門遂忘其所邊境犬牙宜春多有隔屬之糧去年徵册不全詳開戶名便得交納給以印收兩月而後持印收以易串今年早屆完稅之期開戶執鈔向櫃投納問無通知單棄置不理再詢通知單在何所亦不一言鄉民望公門如天上納稅爲應盡義務應受法律保障而不克自由如此收錢截串不過一握算一舉手之勞耳願良有司加意以省鄉民守望之苦若夫輕重緩急多少之宜非小人之所敢知因革

損益與時變通明清遞嬗固自有其不同者歟此稿成於民國二十四年大亂初平鄉民踴躍輸將有如許守候之苦變法固不易言而今則完糧掣串不肯稽延卽至遲不過一二日亦變通盡利之一端也二十九年八月記
 民國二十四年萬載田賦奉令改兩爲元重新編造實征册按正銀壹兩徵法幣叁元正米壹石徵法幣肆元合併列爲田賦正稅又按正銀百分之四十征保安附加百分之二拾保甲附加百分之四五衛生附加百分之六經徵費百分之貳五五地方附加百分之二十六義教經費百分之五十非常經費所有以前溢岀及手數料等積弊自成立經徵處後悉已掃除全縣正稅額共計七萬五千二百玖拾二元六分近年徵獲數目七成上下所徵正稅

及保安保甲衛生經征等附加列爲省款按旬解分金庫核收地方附加及義教經費非常經費列爲縣款解縣金庫由縣政府列入歲入歲出預算支配動用

二十九年一月至七月底止經徵各稅數目

區 別		一月至七月	一月至七月
		額徵數	徵獲數
田賦正稅	舊 賦	一〇七〇〇〇	九六五二六
	新 賦	五三七〇	無

考

耕九餘三遇荒有備積貯爲天下大命百姓恒足不待移民移粟之瑣瑣也常平最久得請而行違制有罰汲長孺所由願受矯詔之罪也然積之火而多且厚者莫如教倉終齎盜糧饑民爭取沿河百十里深及尺寸反戲語曰可云足食是恃常平以救百姓之荒必至緩不及事遜國道光以前州縣倉滿事平則一粒不存民有出穀之損未受積穀之益然則常平不可行宜莫善於社倉社倉之法惟朱子行之民受其惠則悉經羣弟子之手安得鄉社有如許讀書好義之人鄉紳不盡可信今日之鄉鎮保長則皆鄉紳之過渡有多收而少交有私收而不公有存在已手變賣已盡董之官法亦竟不能盡交而巧於彌縫者鄉鎮相與扶同政府十不聞一卽聞焉亦或付之長嘆側聞辦理之善者城有數倉鄉有數倉株潭黃茅之倉早年甚善今至事勢艱難時竟不敢儲於倉內存在鄉間地方豈無正人口眾我寡積穀本善而行之率不盡善今之荒象爲六七十年所未有晚糧棲畝際米十斗價昂筭法幣五拾餘元極貧之戶朝夕一粥中農之家萬有贏餘者今年難接青黃問各鄉積穀則大半救濟難民與民夫日食大軍經過又不甚悉其多少今日而言積穀幾同無米之炊縱令少有亦杯水車薪之微通商患工務穡勸分是其要也若徒徑行裁制阻絕流通則期期以爲不可者先年有積穀論不知違落何所十月十六日補記

清原額官民田地山塘肆千玖百玖頃壹畝捌分柒釐貳毫各派
徵不等原編起存各款并加增玖釐地畝銀共叁萬捌千伍百壹
拾肆兩叁錢叁分叁釐柒毫全書作肆毫按料則核正內原紳衿優免
米伍百捌拾陸石該派三差銀肆拾柒兩貳錢玖分伍釐柒毫壹
絲貳忽貳微捌纖順治十四年奉文扣解不准紳衿優免舊志未
載此款致後結數不符先於十一年題准清汰浮糧減夏稅麥米貳
千叁百玖拾貳石貳斗壹升叁合叁抄秋糧官民米貳萬叁千陸
百貳拾伍石玖斗玖升壹合陸勺貳抄共減糧差加增等銀壹萬
柒千伍百陸拾柒兩壹錢陸分捌厘壹毫伍絲計實額編銀貳萬
玖百肆拾柒兩壹錢陸分伍厘伍毫伍絲又先於十年題准開除
入官荒塞田地塘叁百陸拾貳頃貳拾貳畝陸分玖釐舊志開除內
計共少捌頃陸拾貳畝肆分叁釐陸毫貳絲貳忽肆微今據全書府志核正該減
銀貳千肆百捌拾玖兩壹錢玖分伍釐捌毫壹絲

康熙二年至嘉慶十八年共開墾田貳百陸拾壹頃貳拾畝玖分
肆釐壹毫肆絲柒忽貳微壹纖貳抄乾隆二十四年清查改歸屯
額田壹頃壹拾柒畝貳分貳釐實墾補過田貳百陸拾頃叁畝柒
分貳釐壹毫肆絲柒忽貳微壹纖貳抄尙缺田玖拾柒頃捌拾貳
畝叁分壹釐貳毫伍絲貳忽柒微捌纖捌抄 雍正七八年共開
墾地叁頃柒拾畝貳分伍毫共開墾塘陸拾陸畝肆分伍釐壹毫
地塘補足原荒訖 實補過田地塘貳百陸拾肆頃肆拾畝叁分

高車果二六
柴釐柴毫肆絲柴忽貳微壹織貳抄實補過銀壹千捌百壹拾壹兩陸分伍釐壹絲雍正十年至嘉慶十八年共開墾額外新生地叁頃壹拾叁畝柒分玖釐叁毫捌絲捌忽塘壹拾捌畝叁分肆毫官山叁頃玖拾叁畝陸分壹釐共新增地山塘柒頃貳拾伍畝柒分柒毫捌絲共增銀陸兩壹錢玖分捌釐捌毫捌絲

見在成熟田地山塘肆千捌百壹拾捌頃肆拾伍畝貳分陸釐柒毫叁絲伍忽貳微壹織貳抄應徵銀貳萬貳百柒拾伍兩貳錢叁分叁釐陸毫叁絲全書結增銀貳錢叁分壹釐叁毫柒絲按全書一則田墾補銀內結增銀貳錢叁分壹釐柒毫伍絲新生地山塘銀內結增銀伍絲見在實徵總結內捲尾叁毫壹絲共計誤增

銀貳錢叁分貳釐壹毫壹絲又於一則田墾補銀總結內少結銀陸毫一則田額編內少結銀肆絲一則田見在實徵結數內又少結一毫共除抵柴毫肆絲實仍結增銀貳錢叁分壹釐叁毫柒絲雖爲數無幾然絲毫皆上關國計下係民力不可不慎且於科則計算不合故逐款俱按科則核正以合今書之額

實徵銀貳萬貳百柒拾伍兩肆錢陸分伍釐

原額南糧正副米壹萬壹千玖百陸拾壹石玖斗肆升捌合內除題留改折正副米捌千叁百柒拾叁石叁斗陸升叁合陸勺徵銀不徵米外原編米叁千伍百捌拾捌石伍斗捌升肆合肆勺於順治十一年題准清汰浮糧減正副米壹千陸百叁拾陸石捌斗貳

高車縣志
升陸合伍勺陸抄陸圭計實額編米壹千玖百伍拾壹石柒斗伍升柒合捌勺叁抄玖撮肆圭

開除荒缺米貳百叁拾壹石玖斗叁升壹合伍勺肆抄

節年開墾首墾補過米除改歸屯額外實補過米壹百陸拾捌石柒斗肆升陸合伍勺柒撮

又新增米伍斗柒升肆合玖勺柒抄陸圭

共徵米壹千捌百捌拾玖石壹斗肆升柒合柒勺柒抄柒撮

全書結增米叁升叁勺貳撮玖圭 按全書一則田墾補米內結

增叁升貳勺陸抄肆撮貳圭一則地內結增米貳抄肆撮貳圭一

則塘內結增米貳抄肆撮新增米總數內捲尾壹撮柒圭實徵總

結內捲尾捌撮捌圭共計合結增前數

實徵米壹千捌百捌拾玖石壹斗柒升捌合壹勺

科則細數原額一則出貳千玖百伍頃捌畝叁分玖釐貳毫每畝

原編銀壹錢貳分肆釐叁毫叁忽肆微伍纖除汰淨減外實編糧差并加增共銀陸分玖釐叁毫貳絲貳忽壹微叁纖陸沙原編本色米壹升壹合伍勺捌抄貳撮壹粟除汰淨減外實編米陸合肆勺伍抄玖撮壹圭壹粟

原編銀叁萬陸千壹百壹拾壹兩壹錢玖分伍釐叁毫捌絲除汰

淨減銀壹萬伍千玖百柒拾貳兩伍錢叁分叁釐壹毫貳絲計應

編銀貳萬壹百叁拾捌兩陸錢陸分貳釐叁毫

原編米叁千叁百陸拾肆石陸斗柒升壹合貳勺除汰淨減米壹

千肆百捌拾捌石貳斗肆升伍合伍勺肆抄計應編米壹千捌百柒拾陸石肆斗貳升伍合陸勺陸抄

除荒田叁百伍拾柒頃捌拾陸畝叁釐肆毫除荒銀貳千肆百捌拾兩柒錢陸分肆釐叁毫除荒米貳百叁拾壹石壹斗肆升伍合玖勺叁抄

節年開墾首墾補過田數詳前計銀壹千捌百貳兩陸錢叁分叁釐伍毫壹絲計米壹百陸拾柒石玖斗陸升捌勺玖抄柒撮全書結增銀貳錢叁分壹釐柒毫伍絲結增米叁升貳勺陸抄肆撮貳圭

見在成熟田貳千捌百柒頃貳拾陸畝柒釐玖毫肆絲柒忽貳微

壹織貳沙

實徵銀壹萬玖千肆百陸拾兩柒錢陸分叁釐壹毫陸絲實徵米壹千捌百壹拾叁石貳斗柒升捌勺玖抄壹撮貳圭

原額一則地叁百肆拾頃陸拾畝捌分每畝原編銀陸分貳釐壹毫伍絲壹忽柒微貳織內汰浮減外實編糧差并加增具銀壹分捌釐壹毫陸絲捌忽貳微叁織原編本色米伍合柒勺玖撮陸粒內汰浮減外實編米壹合陸勺玖抄貳撮捌圭貳粟

原編銀貳千壹百壹拾陸兩玖錢叁分柒釐叁毫除汰浮減銀壹千肆百玖拾捌兩壹錢壹分貳釐捌毫伍絲計應編銀陸百壹拾捌兩捌錢貳分肆釐肆毫伍絲全書結少壹毫伍絲

原編米壹百玖拾柒石貳斗肆升陸合叁勺除汰淨減米壹百叁拾玖石伍斗捌升柒合肆勺玖抄陸撮陸圭計應編米伍拾柒石陸斗伍升捌合捌勺叁撮肆圭全書結少叁撮肆圭開除荒地節年開墾補訖

新增額外新生地數見前計銀伍兩柒錢壹釐捌絲計米伍斗叁升壹合壹勺玖抄陸撮陸圭全書結增銀壹毫伍絲結增米貳抄柒撮陸圭

見在成熟地叁百肆拾叁頃柒拾肆畝伍分玖釐叁毫捌絲捌忽全書結增除銀數多少適抵外仍增米貳抄肆撮貳圭實徵銀陸百貳拾肆兩伍錢貳分伍釐伍毫叁絲實徵米伍拾捌石壹斗玖升貳抄肆撮貳圭

原額一則山壹千伍百捌拾陸頃陸拾陸畝壹分共科租鈔貳萬陸千壹百玖拾貫柒拾陸文不折徵銀米

新收認墾額外新生官山數見前比照鄰邑高安縣一則山例每畝編銀柒絲伍微計徵銀貳分捌釐

見在成熟山壹千伍百玖拾頃伍拾玖畝柒分壹釐除原科和欵外實徵銀貳分捌釐

原額塘分二則共柒拾陸頃陸拾陸畝伍分捌釐內原一則塘柒拾叁頃玖拾畝捌釐每畝原編銀叁分捌釐柒毫貳絲柒忽柒微叁纖除汰淨減外實編糧差并加增共銀貳分伍釐陸毫陸絲陸忽陸微捌

織原編本色米叁合陸勺捌撮肆圭柒粟貳粒除汰浮減外實編米貳合叁勺玖抄壹撮伍圭

原編銀貳百捌拾陸兩貳錢壹釐除汰浮減銀玖拾陸兩伍錢貳分貳釐貳毫計應編銀壹百捌拾玖兩陸錢柒分捌釐捌毫

原編米貳拾陸石陸斗陸升陸合玖勺除汰浮減米捌石玖斗玖升叁合伍勺貳抄肆撮計應編米壹拾柒石陸斗柒升叁合叁勺柒抄陸撮全書結增米貳抄肆撮

開除荒塘節年開墾補足訖

新收額外新生塘數見前計銀肆錢陸分玖釐捌毫米肆升叁合柒勺柒抄肆撮

見在成熟塘柒拾肆頃捌畝叁分捌釐肆毫

實徵銀壹百玖拾兩壹錢肆分捌釐陸毫實徵米壹拾柒石柒斗壹升柒合壹勺柒抄肆撮

原二則塘貳頃柒拾陸畝伍分共科租米壹拾肆石貳斗叁升玖合柒勺伍抄不折徵銀米

以上田地山塘共銀貳萬貳百柒拾伍兩肆錢陸分伍釐外帶徵人丁共銀貳千壹百柒拾壹兩貳錢捌分陸釐每地銀壹兩帶徵銀壹錢柒釐捌絲玖忽叁微叁纖零餘詳戶口內全書結增陸錢貳分叁釐

又匠班改歸地糧編徵正脚銀肆拾壹兩貳錢柒分捌釐逢閏加閏月銀叁兩肆錢貳分玖釐柒毫每地銀壹兩帶徵銀貳釐叁絲伍忽捌微叁纖玖

沙捌摩零舊志連閩合算故與此數不符查此款本明里甲內加增之款

折色時價增徵正脚銀壹拾捌兩伍錢貳分壹釐 本色時價會

議增征正脚銀柒錢陸釐 核減本色新增時價壹百玖拾玖兩

捌錢陸分以上折色本色核減叁款共貳百壹拾玖兩捌分柒釐每地銀壹兩

帶徵壹分捌毫伍忽伍微壹纖貳沙陸塵零

雜辦魚課鈔魚油正脚銀壹拾壹兩貳錢貳分陸釐內原起運

戶部魚課壹兩貳錢遇閩加銀壹錢伍分原於魚戶名下退收不在派則之內

又庫課鈔叁錢壹分肆釐貳絲捌忽陸微原於四差里甲內派徵又水脚玖釐肆

毫貳絲壹忽原起運 工部魚油銀捌兩陸錢陸分叁釐遇閩加陸錢陸分陸

釐叁毫水脚壹兩叁分玖釐肆毫肆絲遇閩加柒分玖釐玖毫叁絲貳忽原係

八嗎里長催追於雍正五年各立花名赴縣投納不在地丁款內併地丁起解

兵糧耗費銀壹百柒拾壹兩玖錢捌分此款原按本折二米每石派銀

壹錢起解司庫康熙二年以後新陞兵米俱不加派脚耗今歸地畝帶徵每地

銀壹兩又帶徵捌釐肆毫捌絲伍微伍纖零

通共額徵起存正雜等款銀貳萬貳千捌百玖拾兩玖錢肆分伍

釐遇閩加銀壹百陸兩玖錢陸分玖釐

按萬載糧房賦則論把不論畝每田壹百把科銀叁錢壹分玖釐

柒毫陸絲為額徵常年加兵折叁釐伍毫閩年連兵折加銀肆釐

為實徵其南米則以額徵銀數按捌貳伍陸肆扣徵虛米貳升陸

合肆勺又按肆捌折扣實徵兵米壹升貳合陸勺柒抄貳撮其法

相沿頗久雖丁銀時有損益而一律推算無增減與全書科則不合查全書成熟田地塘現有確數汰減糧額亦有定則以地塘糧則與田則計算每地壹畝折田貳分陸釐貳毫捌忽零塘壹畝折田叁分柒釐貳絲伍忽零見在成熟地共應折田玖拾頃玖畝零成熟塘共應折田貳拾柒頃肆拾貳畝零連成熟田共計貳千玖百貳拾肆頃柒拾捌畝零通計合邑地丁各款除屯糧魚稅另徵外運兵折四款共實徵銀貳萬叁千陸百陸拾兩壹錢伍分叁釐兵折無耗者未扣除每畝應派實銀捌分捌毫零應派虛米陸合肆勺零以肆柒捌伍肆陸肆折徵實米叁合玖抄壹撮今糧房賦則計每畝多派實銀壹釐捌毫肆絲貳忽肆微肆纖多折實米柒抄柒撮通計溢額實銀伍百叁拾捌兩捌錢柒分零溢額實米貳拾貳石伍斗零即將地塘併入田畝數仍浮多萬畝本重沿舊習而滋困民何以堪誠能飭照全書逐一清釐亦甦民之一端也

原載起運三部折色銀捌千貳百叁拾陸兩陸錢貳分肆釐於今制無關係於民間亦無損益刪去以省繁冗
原載改抵兵餉銀陸千玖百伍拾玖兩貳錢叁分柒釐陸毫伍絲貳忽細數刪去

原載裁解帶徵各款

順治九年十二年先後會議裁解部銀匠班改歸地糧銀本折色時價及核減原價正脚銀官役俸工雜支驛站扣解不准紳衿優

免種銀增徵丁銀雜辦魚課鈔魚油正脚兵糧耗費以上共銀肆千叁百叁拾貳兩陸錢肆分伍毫

以上起運項下除減浮原荒外共銀壹萬玖千伍百玖拾叁兩貳錢伍分玖釐節年墾補及額外新生除改歸屯額外共銀壹千柒百壹拾捌兩柒錢陸分通共實徵起運銀貳萬壹千叁百壹拾貳兩壹分玖釐內除歸入存留經費銀貳百肆拾貳兩壹錢伍分肆釐實共起運銀貳萬壹千陸拾玖兩捌錢陸分伍釐照全書筭併脚耗共銀壹萬捌千玖百玖拾玖兩叁錢玖分叁釐

一解司地丁及併歸裁汰帶增各款 一解司地丁脚耗 一解驛道驛站銀壹百壹拾壹兩陸錢遇閏加銀玖兩叁錢餘詳存留項

下 一解司折色物料正墊脚銀壹千玖百肆拾柒兩叁分貳釐 一解府辦解本色物料正墊脚共銀壹拾壹兩捌錢玖分壹釐內戶部項下甲字庫銀硃五倍子紫草丁字庫桐油附錄舊志解府本色物料銀有甲字庫苧布舊志已裁十款戶部承運庫農桑絹供用庫芽茶甲字庫一硃烏梅黑鉛明礬丁字庫錫紅熟銅黃蠟生漆隨漕項下解糧道協濟淺船銀伍百捌拾肆兩伍錢伍分捌釐內協濟各衛所漕運旂軍月糧倉米銀原額壹千貳拾捌兩玖錢玖分除減浮銀肆百陸拾玖兩玖錢貳分原荒銀壹百叁拾玖兩貳錢捌分玖釐乾隆二十五年清查歸屯除肆錢伍分伍釐節年升補壹百貳兩貳錢伍分肆釐實徵伍百貳拾壹兩伍錢捌

分淺船銀原額壹百柒兩柒錢除減浮肆拾肆兩柒錢貳分貳釐實徵銀陸拾貳兩玖錢柒分捌釐存留額編經費

本府經歷俸銀及門子暨名皂隸馬夫工食銀兩

右除奉裁貳拾貳兩陸錢貳釐共解給銀柒拾陸兩

又原設照磨及門子皂隸馬夫工食銀兩

右除奉裁壹拾肆兩肆錢實共解給銀陸拾柒兩伍錢貳分

本府儒學教授訓導及齋夫門斗工食銀兩

右除儘抵增俸實共裁銀壹百伍拾伍兩壹錢陸分實共解給銀

壹百叁拾兩陸錢

本縣知縣俸銀門子皂隸作作學習作馬快民壯看監禁卒

轎傘扇夫庫子斗級工食銀兩附原編心紅紙張油燭修宅家伙迎送

上司傘扇書吏燈夫修理倉監庫書寫書工食銀兩

右除儘抵增數實共裁銀陸百柒拾貳兩肆錢實共存支銀肆百

伍拾貳兩陸錢

本縣典史及門子皂隸馬夫工食銀兩

右除奉裁壹拾肆兩肆錢實共支給銀陸拾柒兩伍錢貳分

本縣儒學教諭訓導及齋夫門斗工食銀兩附原編膳夫書辦教官

喂馬草料

右除奉裁壹百壹拾壹兩捌錢肆分實共存給銀壹百叁拾兩肆

錢

本縣櫛樹潭巡檢及皂隸弓兵工食銀兩

右除奉裁貳拾柒兩陸錢實共支給銀伍拾肆兩叁錢貳分存縣

支給縣學廩生貳拾名廩糧銀肆拾兩遇閏加叁兩叁錢叁分叁釐

文廟朔望香燭銀壹兩捌錢遇閏加壹錢伍分

文廟春秋祭祀銀肆拾壹兩貳錢肆分肆釐肆毫 崇聖祠陸兩

名宦鄉賢二祠肆兩貳錢貳分陸毫捌絲 忠義節孝二祠肆

兩 社稷壇 山川風雲雷雨城隍壇 及邑厲壇各有祭銀原

載城隍在內今各壇均廢城隍獨為縣人所崇奉似應提出原有

之欸以供祀事願提廟產辦學者稍順地方輿情不必一網打盡

關聖祭品銀肆拾兩

文昌帝君新增祭銀貳拾陸兩嘉慶六年新增祀典 春冬鄉飲酒

禮叁兩伍分 歲貢酒禮貳兩伍錢 孤貧貳拾名糧布柒拾貳

兩 改編吹鼓手肆名工食以下細數刪去

右存縣支給除減浮銀壹百貳拾肆兩柒錢陸分肆釐伍毫伍絲

又實裁銀柒百壹拾玖兩玖錢柒分貳釐玖毫肆絲實共存縣銀

貳百捌拾柒兩貳錢捌分壹釐柒毫捌絲

以上共存留支給銀壹千壹百玖拾捌兩柒錢貳分貳釐全書

原載驛站項下 有走遞差馬工料走遞人夫鋪司兵工食銀兩

右除減浮叁百叁拾兩原裁肆百捌拾陸兩肆錢仍共銀壹百肆

拾玖兩肆錢除鋪司存縣支給餘俱解司起運

通共存留經費銀壹千叁百肆兩肆分壹釐柒毫捌絲內計原編銀肆千玖拾伍兩貳錢柒分壹釐貳毫柒絲除減浮肆百伍拾肆兩柒錢陸分肆釐伍毫伍絲又實裁銀貳千貳百玖拾貳兩叁錢捌分肆釐玖毫肆絲照磨項下今歸裁數又除另解驛站銀壹百壹拾壹兩陸錢實共存經費合前數

土貢有茶芽活野雞存其名以見舊制

南米額徵兵米壹千捌百捌拾玖石壹斗肆升柒合玖勺內坐給銅鼓營兵丁月米貳百壹拾陸石解省本色米陸百捌拾捌石肆升伍合乾隆十三年題准照瀘溪辦漕例每年秋收請領公項買米以供兵糈酌照時價折徵歸款陳志濟造折色濟運折色裁兵餘贖折色

以上共折色米玖百捌拾伍石壹斗貳升肆合伍勺原載每石折銀陸錢

乾隆四十九年因南九信三衛所減徵餘租缺額奉文自乾隆四十八年為始每石加價銀壹錢玖分貳釐捌毫玖絲貳忽貳微陸織實在加增兵折抵補餘租銀壹百捌拾玖兩玖錢玖分肆釐捌毫叁絲陸忽不徵耗銀

按濟造濟運裁兵加增兵折等款俱歸地糧帶徵故現徵南米俱按肆捌折扣交實米其折價每地銀壹兩派徵叁分捌釐伍毫貳絲貳忽貳微伍織貳沙零耗銀額征地丁隨漕兵折屯糧魚油等

欵加一耗羨銀貳千肆百柒拾壹兩陸錢柒分伍釐貳毫遇閏加銀壹拾兩捌錢柒分柒釐伍毫

解司耗羨壹千叁百捌拾叁兩壹錢玖分壹毫遇閏照加解督糧道耗羨壹百陸拾貳兩肆錢捌分伍釐壹毫

編支知縣養廉捌百兩 巡檢養廉陸拾兩 典史養廉陸拾兩 常雩祭祀陸兩

宋大中祥符間有夏稅綢絹綿見錢紐錢麴錢腳錢助軍錢租地錢租地茶秋苗米鹽米算米白米屯田職米細數概行刪去存其名以見舊制

嘉定十二年稅額錢有正額及經界椿閣見實催正綢正絹正綿見錢俸麥沿催錢和買綢和買絹租錢茶片錢地利錢役錢歲額催坊減免官役錢苗額正額元椿閣今椿閣秋稅米屯田米疇零米職田米細數概刪

按嘉定志抄本不詳田地頃畝而賦稅依代分列科則輕重無稽攷宋賦大約仍兩稅遺法林勳本致篇云宋之二稅視唐已增七倍陳傅良傳云熙寧以來上供歲額增於祥符一倍崇寧又增十數倍其他雜斂迄南宋皆爲額今觀嘉定志所載良非虛語又攷清江縣志向澹傳云南渡後袁州歲入米拾壹萬而上供纔伍萬與嘉定志實催支移米數符合蓋實催爲歲入之額支移卽上供之數萬載除職田米外實共秋苗米貳萬貳千貳百柒拾伍石有

餘而支移苗米就筠州寄納者定爲壹萬貳千玖百伍拾貳石何
上供之米將近六分不與宜分萍三邑同科也三縣苗米上供不及
五分餘俱輸納本州又攷支移之議起於皇祐中以袁州上供苗米
漕運不能通行故宜分萍三邑秋苗肆萬叁千石假廩清江後移
新喻又移分宜聽便裝發而萬附筠輸運袁之無漕由此具詳許介
支移倉記薛仲邕徐傳免和糴記惟上供苗米旣因水道不便附
筠寄納矣至應輸本州倉米玖千叁百餘石作何支發有無折變
舊志缺如他亦無考其支移斛面各文案另有紀

元每田一畝徵糧肆升采林志補

按林志忻都沙傳元貞二年爲瑞州路達魯花赤會行省行諸路
起徵夏稅亟召僚屬耆老議僉言袁州等路每田一畝徵糧肆升
惟本路獨用宋制所徵實倍他郡據此則元制比南宋輕減一倍
元徵每畝肆升則南宋約徵捌升由陳傅良傳推之北宋初制又
較元爲輕傅良傳見前按

至正間歐祥據郡田壹畝令民納米叁鄉斗計玖升采嘉靖志補
按元制上田稅畝叁升半中田叁升下田貳升半水田伍升袁州
每畝肆升賦已重於他路况明初誤以叁升鄉斗報作拾升官斗
致減半定科民田每畝科米壹斗陸升伍勺後官民一則每畝科
米壹斗陸升柒合壹勺柒抄伍撮伍粟肆粒夏稅米壹升陸合後
派壹升陸合玖勺貳抄柒撮肆粟貳粒舊志

高唐縣志卷之二
洪武九年總計官民等項田地壹千叁百壹拾陸頃叁拾壹畝貳分壹釐伍毫官田七頃捌拾肆畝柒分伍釐民田地壹千叁百捌頃肆拾陸畝肆分陸釐伍毫

共秋糧夏稅正耗米貳萬叁千叁百貳拾柒石肆升捌合叁勺陸抄洪武志

永樂二年共官民田地山塘肆千玖百壹拾陸頃伍拾貳畝壹分徵夏稅秋糧藍靛課四項米共伍萬柒千捌百拾玖石玖斗又有絲鈔茶課鈔細數刪

萬曆十年田地山塘共肆千玖百玖頃壹畝捌分柒釐貳毫徵夏稅麥米秋糧官民米實編三差米叁項共米拾萬零柒千柒百貳

拾陸石陸斗截尾數

起運夏稅秋糧京庫折銀及腳耗船驢批解贖米腳耗共銀伍千柒百拾陸兩截零南京倉本色正米副米共壹萬壹千玖百陸拾壹石有奇尙有京庫本色苧布扛絲鋪墊腳銀京庫折色苧布南京棉布南京本色苧布南京庫折色苧布改派苧布折解腳耗農桑絹四司料及腳耗白蠟折色腳耗芽茶及腳耗葉茶及腳耗茶筭本色及腳耗甲丁二庫頰料及腳耗姑存其銀數刪去

存留大府祿米代徵峽江縣大祿新增各祿新封協濟吉安倉本府倉本縣倉本縣儒學倉折銀細數刪去

土貢茶芽活野雞青鶴雜色皮弓箭茲胖襖褲鞋盔甲腰刀

以上土貢後俱派入條編內徵銀彙解四差里甲歲徵銀貳千叁百玖兩貳錢零 均徭徵銀壹千捌百玖拾伍兩叁錢零 驛傳歲徵銀柒百捌拾肆兩叁分零 民兵歲徵銀貳千叁拾伍兩肆錢玖分零俱遇閏另加 李志

按李志明役法有四皆所謂力役之征也萬曆九年行一條鞭法通計一縣起存支用差銀俱於丁糧內派徵凡官府承應使客上司在官諸役夫馬等項悉官給僱募里甲僅司催徵今攷自藥材以下現歸三部折色者五款歸改抵兵餉者四款雜辦魚課內一款隨漕項下一款存縣支給十七款驛站項下二款見舊編裁抵者十一款并加增匠班一款爲目凡四十有二均徭自北京富戶

以下歸三部折色內一款改抵兵餉內十款存縣支給內九款驛站內一款舊編裁抵內二十六款凡目四十有七驛傳則自溝驛馬江淮衛馬匹水夫改編抵祿三目民兵則解司充餉存留隊長防守兵丁團練民兵防守兵快府縣捕兵新改兵快凡七目並見改抵兵餉及舊編裁抵內以上四差舊志不詳然實爲清之所因亦可窺因革損益之崖畧焉

又按里甲內匠班銀肆拾伍兩玖錢伍分水匠銀叁錢陸分柒釐零初由匠戶輪納洪武志載匠戶一千三十八永樂十年減至九百七十六戶後戶逃籍存猶有七百四十名已復減額全書止載九十一名萬曆二十八年以旣輪匠班又充民差十戶九逃班銀

高車縣志
難措匠戶楊鼎一黃酉牙等具呈知縣畢懋良議蠲匠戶有糧之
差查各甲應班之數照糧派納輟轉遂及於民此匠班銀所以歸
里甲也內北局匠五名解銀伍兩餘肆拾兩零連閩共肆拾肆兩
轉解南京崇禎四年復行補缺額銀陸拾叁兩肆錢伍分蓋南工
部執會典及部志註定四司共二百三十二名以繩之也不得已
於里甲內加派至七年始復原額

加派遼餉共銀伍千叁百叁拾玖兩陸錢柒分叁釐伍毫萬曆四十
六年派叁千捌拾餘兩四十七年免派四十八年派伍千陸百玖拾伍兩捌錢
壹分伍釐崇禎四年減編壹千叁百伍拾貳兩捌錢肆分肆釐叁毫是年又加
派每畝叁釐銀玖百玖拾陸兩柒錢柒釐叁毫實派前數

按此卽加增玖釐地畝銀奉文計畝加餉萬載田伍畝玖分科米
壹石該派銀伍分叁釐零乃不依畝而依糧倍派至壹錢壹分零
民甚苦之桂惠兩藩贍租共編銀壹百貳拾柒兩壹錢玖分捌釐
捌毫崇禎三年議撥田叁拾伍頃叁畝叁分每畝派正脚銀叁分陸釐又
照縣田脚費派肆毫叁絲柒忽捌微伍纖共編前數後又以冊封日爲始將元
二年派入六七年新糧內併退其銀照田均派雖報有實田而每年議阻銀解
司候差官彙解並無實田可以勘踏
綾紗榜紙臨期加派無定數此款
天啟七年派柒百玖拾陸兩零崇禎元二年俱派陸百伍拾叁兩零三年免派
四年派銀壹百貳拾肆兩玖錢
鍾祥王厨役工食六名每名拾貳兩
崇禎六年坐派四縣支給知縣韋明傑力請撫按得移派南城
陳設門殿

等銀壹千玖百肆拾伍兩肆錢天啟七年加派

按明時田賦每民糧壹石派南京本折色兩京苧布本折及棉布折色府縣學倉等米共壹石叁升陸合伍抄肆撮共該銀肆錢貳毫叁絲肆忽壹微伍纖此嘉靖三十九年奏定立碑之數即前列起存各款所謂正賦也其後四差戶口鹽鈔共增柒千壹百有餘至遼餉贍租額外加派又約捌千餘兩比嘉靖時正賦幾增一倍而正統天順間每石納銀叁錢壹貳分者又無論已徵銀之外又徵南糧每石副米叁升陸合計共正副米壹萬壹千玖百有奇內改折柒分解銀京庫所謂夏稅秋糧京庫折銀也今承運庫金花銀滴珠銀實源於此其本色叁分正副米叁千伍百捌拾餘石崇

禎時雖定永折之例然瘠土不堪重賦逃絕過半韋志田賦一編所由諄諄言之也惟稅糧派則未及編載而嘉靖以後尚可得梗概於奏告詳議之中知明賦之重由誤報者已不可支加以宏治後之走派萬曆後之四差加派而民益困矣

按洪武二十七年命天下度地開桑棗園里種二畝限年冊奏萬邑共設一百有二所夏稅絲八十餘斤今遺址莫問附存其名

順治十年有藩憲莊應會僉憲安世鼎入覲奉有奏聞地方情形及興革利弊恩旨適縣人辛映斗以西通冠帶史隨請疏減瑞袁浮糧案為請汰浮糧以甦民困以普聖政事順治十一年奉撫憲又奉督憲牌前事承准戶部照會本部題覆江西右布政莊應會等奏前事近奉聖旨朝覲首領官回見後如有地方情形及

興革利弊聽各官具本奏聞欽此欽遵竊聞民爲邦本本固邦寧臣等待罪江右謹將瑞袁兩府一地二糧重累三百餘年應革大弊爲我皇上陳之按舊志元至治二年瑞州府開載田糧壹拾貳萬伍千柒百肆拾叁石有奇袁州府稱是至洪武二十四年瑞州府增至貳拾貳萬伍千叁百伍拾貳石零袁州府增至貳拾壹萬柒千餘石較原額淨拾萬詳攷其故陳友諒據瑞州兵餉借誅於額糧暫借一年此不終日之計也友諒敗有老人黎伯安妄將借徵冊籍拘獻明太祖遂照數起徵又歐普祥割據袁州洪武初遣子納降本郡糧民米三升其子尖察設報官斗拾升江西南昌等府糧則科山叁拾畝爲壹石有貳拾伍畝爲壹石者分爲上中下三則惟袁州設報官斗止伍畝捌分爲壹石此尤顯而易見者兩郡之民非積年拖欠卽流徙逃亡遺累三百餘年前朝撫按屢經疏請未草皇上知天好生與民更始正剔弊作新之日伏乞軫念江西爲天下極苦寒之省瑞袁二府尤江西省最凋疲之區勅下該部轉行撫按丈量田畝清汰浮糧俾二府之科與本省之十一郡相準永著畫一之規早定樂輸之額實固本寧邦之首務也仰祈聖鑒立賜施行等因順治十年二月二十八日奏奉

聖旨著詳察確議具奏該部知道欽此欽遵抄出到部相應議覆該臣等看得江西布政莊應會等奏稱瑞袁二府以湖疲殘郡科糧獨重遺累已久議清淨糧與各府相準臣部備查該省地糧瑞袁二府較他府雖地少糧多但疏內科編緣由臣部並無元季明季册籍可考合無勅下該督撫按備查元季明季册籍瑞袁二府科糧獨重或地係膏腴或從前誤編苦累有何確據逐一冊實具奏以憑覆請定奪既經該司案呈前來相應覆請恭候命下臣部轉行遵奉施行等因題奉聖旨依議欽此欽遵抄出到部送司奉此相應照會案呈到部擬合就行爲此合照會該布政司遵照本部覆奉聖旨內事理欽遵施行等因併奉督撫按三院案驗行同前事奉此隨經移行江西督糧及該轄守巡各道併行府縣欽遵確查去後隨奉巡撫江西左副都御史蔡批據袁州府申詳前事奉批仰布政司速行覆核具詳三日內報以憑彙題等因奉此先據該府申稱據萬載縣知縣張一躍申稱卑職隨經會集紳衿耆老從長酌議畫一但看萬邑土瘠民疲田畝賦重因兩朝歐祥誤報鄉斗作官斗科派相沿歷年逋欠從無完納完竟紙上虛文不能濟諸實事今奉文釐正賦額合行披肝瀝膽以告

青華集卷之二
比例科派不敢妄比他處但就吉臨隣州同湖西一道而論田地磽薄既無各別而地產賦稅自有相同安福田有二則新喻田有三則既官田民田之不等二則三則之懸殊而萬載田止一則每田壹畝科官民米壹斗陸升柒合壹勺柒抄伍撮伍粟肆粒共官民田地山塘肆千玖百玖頃壹畝捌分柒釐貳毫內除一則山壹千伍百捌拾陸頃陸拾陸畝壹分全書刊載係派山租鈔貫不在易知單內派徵銀米又內二則塘貳頃柒拾陸畝伍分全書內係派牛租不入易知單內派徵銀米實田地肆共叁千叁百壹拾玖頃伍拾玖畝貳分柒釐貳毫共科官民米伍萬壹千柒百玖拾柒石柒斗貳升肆合陸勺是比安福數重貳倍較新喻實重一倍今不敢妄比安福之輕照比新喻之上則每田一畝擬科官民米玖升叁合貳勺叁抄壹撮每畝應減編米柒升叁合玖勺肆抄肆撮伍粟肆粒每地壹畝擬科官民米貳升肆合肆勺叁抄肆撮壹圭伍粟勺畝應減編米伍升玖合壹勺伍抄叁撮叁圭柒粟玖粒每塘壹畝擬科官民米叁升肆合伍勺壹抄玖撮每畝應減編米壹升柒合伍勺陸抄叁撮柒圭壹粟萬載田地塘通其實編秋糧官民米貳萬捌千壹百柒拾壹石柒斗叁升二合玖勺柒抄實派

夏稅官民米貳千捌百伍拾貳石肆斗捌升陸合伍勺陸抄應編本折色糧差該銀壹萬肆千陸拾貳兩貳分陸釐肆毫叁絲柒忽六微玖纖通共應減編秋糧官民米貳萬叁千陸百貳拾伍石玖斗玖升壹合陸勺叁抄應減編夏稅官民米貳千叁百玖拾貳石貳斗壹升壹合肆勺肆抄應減編本折色糧差銀壹萬壹千柒百玖拾叁兩貳釐肆毫柒絲柒忽貳微壹纖然而追徵一向不前無非糧重之故匪惟兵火焚戮之際可比新喻科徵卽值太平無事之秋亦當公平派賦但歐祥之誤報事經前朝而董狐筆之改正恩從今日緣由到府該署府事本府推官王延禰覆看申詳又據分守湖西道右叅政張子璠分巡湖西道僉事鮑剛茂會看詳院該左布政使盧震陽分守南瑞帶管督糧道右叅議遲日震會看詳到臣該臣巡撫江西左副都御史蔡士英看得瑞袁二府郡縣介在山阜臨且之區土壤素稱沙瘠提封悉屬山陰中多不毛之土其地之可耕者皆山之畔而澗之濱沃野平原實無幾焉夫以此磽确之區可耕者既窄而科糧偏重者蓋由袁郡鄉斗與官斗有不同因明初僞將歐祥歸附時撥獻冊籍誤以叁升之鄉斗報作官斗之拾升今欲證之元明二代冊籍蓋年已

數更兵火幾見無怪乎無存也亦幸後明之志書其所載重賦顛末不啻皎皎查其田糧均係一則每畝科至壹斗陸升柒捌合不等較之接壤之境如臨之浙喻上則田每畝科糧玖升叁合吉之安福上則民田每畝科糧柒升貳合夫以一地之土而賦稅重輕竟至倍相懸殊此尤易見之事也再稽之戶口在宋崇寧間編戶壹拾叁萬貳千貳百玖拾有玖迨至明宏治間止存陸萬陸百壹拾玖矣其逃亡減損之數亦與瑞州相等此二郡之志班班可考按戶口之數自宋元至明宏治年間已消亡過半而自宏治迄今又將數百餘歲近來屢當兵燹驚散殘廢傷亡其中消耗之戶又不知凡幾而額載之糧總未減其毫末夫人愈少而賦愈覺其重賦愈重則錢糧愈覺其難完所以年復一年轉相拖欠民徒受其敲扑官徒受其降罰散離相枕溝壑時盈究之亦何補於國賦也此在曩昔承平之時猶多積逋從無完期故牧茲土者曾以柒分考成尙不能如期如式蓋無土而稽誠巧婦之難可以不問而知者今我皇上親政以來洞切民隱詔誦博訪百度維新更令覲臣各陳利弊與民更始此有布政使莊應會巡南道僉事安世鼎以身親目觀之大累而爲應旨來言之直陳也倘沐

皇上下沛鴻慈軫恤二郡三百年之積困將瑞屬之糧貳拾貳萬伍千之浮數仍復宋元壹拾貳萬伍千之原額袁屬之糧每畝壹斗陸升柒捌合之課科減照新喻上則每畝玖升叁合之實賦庶現在予遺得以安心茲土後來生聚必至盡力正供田野日闢國賦日增實大有裨益矣今據該司道會詳前來除將二郡所存志書移送戶部查考外臣謹會同江南督臣馬國柱合詞具題伏乞勅下該部覆覈准與諮減行臣等轉行遵奉施行等因順治十年九月十五日題奉聖旨著議奏該部知道欽此欽遵抄出到部該臣等看得先該布政使莊應會奏瑞袁二府科糧獨重議清浮糧與各府相準臣部請勅該督撫查元季明季冊籍或地係膏腴或從前誤編有何確據勘實具奏今該撫具題送到瑞袁二府志書瑞州府志內稱洪武田糧比元季多玖萬玖千陸百玖石零袁州府志內稱元末田壹畝納米三鄉斗每斗止有叁升共計玖升明初誤以鄉斗作官斗嫌其過重命減半科每畝納米壹斗陸升伍勺比元季每畝多柒升伍勺共多米拾萬捌千壹百貳拾伍石零較之新喻上則田每畝仍多米陸升柒合貳勺陸抄玖撮前後額數懸絕志書開載甚明本朝興利除害皇上浩蕩之

恩何獨重累此一方民雖歷年舊額相沿但江西全省遞年荒歉在在告獨二府以極瘠之地有倍額之糧責之樂輸勢所不能相應將瑞州府浮糧減照元季之例徵糧袁州府浮糧減照相連之新喻縣上則田徵糧應請聖明裁定者也既經該司案呈前來相應覆請恭候命下臣部轉行遵奉施行等因順治十一年三月初四日題奉聖旨這浮糧積久重困一方應從原額清汰著該督撫飭該府縣官確遵減免毋得踵弊混徵有辜德意欽此欽遵抄出到部送司奉此相應咨會案呈到部擬合就行為此合咨貴部院煩為遵照本部覆奉聖旨內事理欽遵施行等因准此擬合就行為此仰司官吏照牌事理即便移行南瑞湖西守巡道轉行瑞袁二府遵照併出示各縣通行曉諭兩府屬土庶人等知悉要知積累三百餘年之虛糧荷蒙聖朝洞察立垂矜恤大賜減免使瑞袁黎庶子子孫孫從此無貽累矣爾士民務宜仰遵鴻恩除減之外將應納錢糧亟行完納如有奸胥積蠹踵弊混徵以及減派不均者爾百姓人等指名赴告以憑立拏正法俱各遵依毋辜德意併行各府縣公堂豎立碑記將本部院題疏叙入刊刻成書入二府縣志之內仍於藩司堂上併立碑文以垂永久俱

無故違等因到司奉此除移各道外合就飭行為此仰府官吏查照院牌併奉聖旨內事理

順治十一年開除荒蕪呈報不實開荒令下戶書龍朝春混報開墾荒逃益多知府吳南岱奉文督丈紳辛劂等以又難便丈呈縣六不可丈呈司知府胡希聖繕析詳免而六區總書徇狃積習詭寄飛灑連賦累萬十八年公呈縣府稟稟三年知府李芳春親詣清查自為記呈詞為垂淚陳情萬難便丈事萬五鄉二十四都一百零四里僻居萬山中東北與錫陽寧州接西南與宜陽荆楚界其田高若層樓低如絕壑稍旱土焦少霖沙壅租輕賦重地瘠民貧以吉臨袁三郡較則袁最苦以袁四縣較則萬苦尤甚自崇禎癸未盜嘯天井獻寇西隣颶萍告累卵之危康樂遭割胎之難及順治初年馮夷肆暴決山蕩河丙戌旱魃播虐焚金礫石及至丁亥奇荒萬井烟銷白骨山積萬民死於兵荒土產鞠為茂草小民痛心傷悼何日忘之迄今奉文清丈固為熙朝盛舉思昔熙攘之時煙火萬家蒙盛徐王三縣躬親履畝綿延十有餘年今以風鶴初定之民欲將優悠歲月之功急之一旦恐勢有不能其難便丈者一開荒之法必須訪之

故老詢之方策始知原委今則故老荒落舊典無存山川土田毫無可稽其難便丈者二田畝情形原係業主舊佃子孫世守歷相傳聞絲毫無潤萬當流離播遷後荒煙野蔓荆棘橫生子失父業孫忘祖基况舊佃新耕業主變易其難便丈者三雖曰主佃逃亡開報田畝該圖知因公正者能知之不思知因公正必係原籍士著之民始知各姓新舊上下界限有無熟荒萬當兵火叠災之後父南子北兄東弟西故址烟銷十戶九絕今所報者非外來之佃即新僱之豎混報充數漫不識事即以本鄉之業問之士著僅存之民傳流久湮尙難遍悉而欲以東吳之肥瘠強索南越之解人得乎其難便丈者四即曰田之熟者爲一册久荒者爲一册固爲開荒善圖有主之熟業現徵可按者毋論已至久荒之田東南依山爲樹西北汪洋成河有主者田莫辨其高下無主者姓難察其張李若夫水壅沙塞雖經告存在泰然業主只知其地名不能全識其田畝莫謂弓步無憑可施即土圭亦不能測其難便丈者五親丈勢必親畝亦當俟之萬寶告成霜黃露白之秋則田之在山林川澤墳衍原隰曠若指掌斯時按響登眺一覽無餘今值東作方興零雨既濛綠野浮白渺漠平湖民咸戴蒲披襖

方幸盡力南畝一聞開丈鄉市茫然使丁男饑女終日較長量短築議田疇不荒之田將又成荒一旦租稅頻呼彼此莫應其難便丈者六古之弓口五尺有奇今之弓口四尺有奇長短弓殊今古山易邇來崩頽之田古弓施之尙有不及今弓反過半積寸得尺積尺得丈積丈不知其幾千萬等是故田不見長有時而益賦不見減有時而增稅賦日增民命日蹙沈疴未起之殘黎安能受此重困乎其難便丈者七今聞單騎履畝毫費不煩民間固出上台及天台至意切以萬苦僻陋四面皆崇山峻嶺荒榛蔽道豺虎織途即使山農野叟芟芥刈萊尙宜寬假時日而謂八萬餘頃之荒產使其纖毫詳明銖黍無謬似非一二月所可必得之數其難便丈者八總之萬苦情形災傷疊告荷蒙軫念死復更生今聞丈勒限時日礪等顧前蹟後懇乞臺端造化一面申文報上一面指示造册大力回天恩覆殘邑 其記曰余以康熙癸卯孟冬受事至郡按所轄賦役完逋獨萬邑逋歷年正項二萬五千兩有奇又南糧七千石有奇謀諸寅屬暨神衿父老詢所以致此之繇或云萬素稱瘠壤自兵燹以來水旱頻仍民多流亡田在草間生計無聊徵輸日縮或云萬俗瘠民頑以逋爲得計守令因此按

効者未可指數或云萬之田賦以歲久弊生甲戶不清飛詭日甚余伏而思之夫萬邑壤瘠民貧固矣彼撫字催科實在司牧之謂何古有惠愛及民轉下考為課最者矣若云俗之既澆則三代不易民而治獨所稱日久弊生差為害之因網釋冊籍徧稽人口首取萬之總書列於廷而詳訊之得其飛詭州弊狀繩之以法悉輸服無辭遂以是冬單騎抵萬大告通衢覆察畧甲糧冊多寡不等收除溷微有一甲而載幾百石者有一甲而僅數石者有全無升合者又有已經賣買之田糧應除西而徠東或更名而改戶甚至田去糧存增減變換者乃詳加清剔此磨彼對雖積勞嬰疾不敢視陰偷息如清出歧源等處積年從未輸將作姦故遺石斗於是議申請上臺立法釐正徇恐紙上虛額且既屬錢糧絲毫為重徹底澄清從實整頓迨次年九月中旬方次第就理定均膏之法俾甲甲有糧戶戶有丁去從前偏枯之害更定催頭之法簡便催趨而論過糧人戶設立串票官給印信亦發催頭註明年一輪催俟十年大造方許關會收除不得如前私擅過割以滋弊竇然後勞苦適宜飛詭得清逋欠永飭往來道路幾及三年雖祁寒暑雨衝冒霜霧如一日也每以田州事就訊者必為曲折清

理雖至再四不敢縱喜怒生厭倦或庭曾一時難據必單騎詣其地親臨其田數之有無地畝之荒熟方行讞斷果有蕪穢不治及地近深山人跡稀少者必為設處牛種相地誅茅務安集開墾而後已積蠹既剔國課無虧予且得告無罪於地方謹為粗記大畧一以宣上臺相成之美一以白吾萬積逋之誣後之蒞茲土者鑒予苦心而留意清釐焉

康熙十三年棚寇朱益吾倡亂十七年大兵蕩洗吳公自肅請免積欠錢糧奉部咨查常公維楨剴切申覆十七年牙應徵款詳諮未允二十二年復具荒絕清冊詳請題獨吳詳見武事

前詳為真荒真絕萬難徵輸乞賜題獨以甦殘黎事切惟糧從田出賦由民輸未有兵寇交訌人民死徙而可一概全科肯也萬自甲寅告變長沙失守棚民朱益吾等乘機倡亂首先破萬洗擄月餘為禍最先受害最毒雖經恢復擄去男婦十之八九丙辰四月賊復重來見人即殺逢屋便燒屠城之慘則蹂躪之毒不但與宜分等縣不可同日而語即與火陷之萍鄉較其凋瘵之情形更有加焉萍雖失陷日久彼夏僞官者猶知假仁假義收攝人心非若棚寇之擄掠無制

也且彼復城之後遺孽盡掃民即安堵非若賊踞數載擄掠殆盡也夫田畝之荒熟視人民之有無今殺之半擄之半而猶謂其賦之可按數而徵也必難得已幸蒙皇仁下頒將逾省十六年以前錢糧一概蠲免而各上憲遂謂既已赦除於前必須輸將於後令同各府屬邑一概催督切思江西遭毒禍雖同而受害淺深各異惟萬受禍實深戶口之死絕田畝之荒蕪固已十居八九自蒞任之初已將慘苦情形通詳在案奈地方凋殘已甚極招徠勸墾之方徒歎智盡能索今奉憲檄催督十七年分錢糧遵即出示追比勒令全完闔邑見之兩目淚流心膽俱碎環階號哭者盡老羸殘疾之人真目不忍視耳不忍聞也切念戶口空虛無人民則無田土無田土則缺額賦畀職即忍於敲骨竭髓亦不過十之一二而必欲通縣入九分之荒絕問諸一二戶之殘黎於時於力萬萬不能况不但目前不能全徵已也即自此十年之間田地未必盡闢民氣未必盡復欲概責之全輸恐亦難矣合無懇乞憲恩憐念凋殘不同他邑仍照原報荒額特賜題蠲寥寥子遺或有起色不然真絕真荒終難賠墊卑職一合身名不足惜其如民生何如國脉何後詳曰查看得萬邑素稱江右瘠壤至貧至乏之

區自甲寅叛亂賊作巢壘里民非殺即擄不死則逃近郊之田俱為戎馬踐蹂遠鄉之地盡屬豺虎縱橫卑職自十七年到任目擊慘變奮不顧家罄出所攜招徠資給始集哀鴻之什一旋蒙憲恩廣布遠近悅來按賦計下稍復其半但細查荒絕有一甲全遭殺擄者有一甲半遭殺擄者有一甲全逃者有一甲或死或逃者其逃者固已招回開墾聊度餘生而殺者不能起白帶耕耘擄者不能令軍管釋放即間有異邑農佃聞風趨赴不過獨戶單丁在大路往來之處結茅鋤圃若深山邃谷人煙盡絕之鄉彼非舊甲人丁又非本戶族姓誰肯無利承害是以卑職於二十年十月內具田荒戶絕清冊具文詳請在案乃二十年前賦無定徵人猶有含煦休養之望及二十年即議全徵在卑職已為賠往之費在上憲難弛參罰之款不得不將荒絕責令現在包賠哀此殘黎鬻妻孥而徒痛無門敲膚髓而空歎已竭三年之內一錢元氣喪盡無餘加以水旱頻仍蕭條彌甚若不亟賜扶救竊恐逃亡接踵荒絕愈多吏雖破產亡身無補於國又若屯糧一項尤苦荒蕪既無單丁可勾又乏戍徒堪頂如欲移民代墾孰肯去籍充軍即使強令認承必致顧彼失此茲據通邑里民屯伍瀝顯前來

高 津 縣 志 卷 之 一
來查先經九卿議覆原任署理戶部左侍郎常德壽條奏內開各省地畝從前棄置缺荒未復原額者甚多而愚民私行開墾隱漏課銀者亦復不少然原報荒缺各省俱有數目可稽各督撫確查所屬州縣荒地實數將原額計作十分實心勸諭開墾除一年內約計開墾三分者免議所餘未墾之地次年仍作十分以此挨年計算俟復原額再有山石硠瘠低窪積水之區實難限年報墾令各督撫於報冊內聲明仍令設法開墾不入年限之內等因通行在案應令該撫謝將新建豐城等二十三州縣原荒遺荒內墾補墾過田地山塘若干均於各原報墾荒案內按年按則陞科報部外實存可墾田地山塘若干計作十分一年應墾三分嚴飭各屬務於年限實力勸墾成熟報部查核其餘未墾之荒次年仍作十分挨年計算至難墾田地山塘及無從清查荒缺田地塘應照九卿原議不入年限仍令該撫謝速行設法開墾成熟報部等因雍正十年八月三十日題奉旨依欽此欽遵抄出到部爲此合咨前去查照本部覆奉旨內事理欽遵

雍正十一年督憲飭查兵米知縣汪請照糧額大小分徵本折二色里民龍瑞

運爲頒撥飭縣仍舊便民事竊萬額徵兵米除折色外內有本色九百四石四升五合向因魚邑地處叢山納米病民籍裝溼難上納肩負艱於越嶺幸而米已至縣猶懼米色不對且及日收無幾卽幸而米已上倉又須耗費等項每石免銀貳錢陸分有零難於核算易以滋弊至於零星小戶米費分完似覺史苦歷任縣主俯從輿論收米折銀每石連費折徵以錢存倉解省米由官辦民稱極便今縣主汪忽因督憲飭查頓欲改收本色不使於民之極者奔懇憲天俯順民情仍循舊例飭縣折銀以從民便奉撫憲批赴縣詳請以取縣知縣汪元采查看得萬額編本折兵米二項有帶徵解用二費而本色兵米一項又有起運存城之別名目旣已繁多科徵又極細屑糧戶不能分晰兼以灘險水澗山路崎嶇以故歷年不完本色而就於完納折色時一併完銀官自買穀做米解給在民則爲便益而在官則干違例之愆是以卑職具詳請照糧額大小分別本折色並將本折二項帶徵解用脚費蠲作一條合算共帶徵銀二錢三釐三絲零俾民間明白易遵等由具詳請示奉批查議間又據士民遞陳不能完納本色之故且查開徵以來完納折色之戶俱透完本色之米緣民間完糧例係自

封投櫃經書向不執裁無從分別亦無從攔阻及卑職於每限查核方知本折
統完可見民情畏完本色而相沿成習實有一時不能改易之勢惟有將帶徵
本折解用等費開呈憲核使吏胥無可弊混以坐以守耳如本折二米舊例徵
兵糧脚耗銀一百七十一兩九錢八分乃係按米一石徵銀一錢起解布政司
免收之項自康熙二年起至雍正九年止續陞兵米一百五十五石九斗六升
一合零以及雍正十年續陞兵米四斗五升一合一勺俱不徵脚耗業經詳明
將原額兵米續陞兵米合算每石止解司脚耗銀九分一釐六毫六絲零此合
本折二項而言即前詳所謂應解之脚耗也至本色兵米一項內存城兵米四
百三十二石每石應徵兵糧脚耗銀九分一釐六毫零加一耗羨銀九釐一毫
六絲零飯食銀六毫四絲一忽零起解藩司應徵協濟軍丁銀三分六釐
三毫零起解糧道計共每石應徵起解脚費銀一錢六分一釐八毫五絲零解
省兵米四百七十二石四升五合每石應徵兵糧耗費九分一釐六毫零隨正
加一耗銀九釐一毫六絲零飯食銀六毫四絲一忽零起解藩司應徵協濟軍
丁銀三分六釐三毫零起解糧道外又照舊米例每石應徵省倉鋪墊銀一分

鼠耗米二升看倉斗納銀二釐扒夫銀一釐米五合省縣兩處上下河挑夫共
米一升十合萬距上高縣水程一百二十里每石需水脚銀六分神福銀三釐
食米三升內共用米七升作銀四分九釐每石共應徵解用二費銀二錢六
分二釐八毫五絲三忽零前詳以存城解省二項脚費參差是以彼此通融不
分起存攤算每石應徵耗銀二錢一分四釐零似覺便捷至前詳請分糧額大
者完本色小者完折色今察民情於完納折色之時必透完本色之銀其意以
多完一升之折色可省一升之本色民之憚於完本色必欲拂民之情而飭完
本色安敢出此惟思民情樂從其易而亦驚趨於利向之必完折色者亦因各
項脚耗解費不能通曉之故今脚耗之額既定如米價六錢帶徵耗費二錢一
分四釐止合八錢一分四釐孰肯多完九錢之折色乎如米價七錢帶完脚耗
銀二錢一分四釐本折相等民亦樂趨折色之便易若米價七錢以上民惟願
完折色雖日督之而不完本色矣是前詳請照糧額大小分別本折之議尙未
可行莫若分別上半年本折全完者准以部價六錢帶徵脚耗二錢一分四釐
以便及時採買如延至下半年而米價貴至七錢者則仍照九錢折收是又於

分別本折之中隱寓鼓勵輸將之法再如協濟一項倘蒙酌停則脚費復應遞減民亦樂從仍於每年歲底查明續陞核定解司之額於本折通完之後檢齊串根流水送本府查核以杜官吏浮收之弊謹開細摺並本年透完本色糧戶開造清冊詳資核轉再前詳攤派二錢三釐三絲之數細核未符今於摺內改正

乾隆三十二年撫院吳檄縣清查田地山塘分別上中下三則彙造徵銀清冊以杜弊端知縣翟廷法茫無以應戶書楊樹國等迭稟免查邑貢生王都建生員鄧鉉辛衢郭邦城劉景岡郭治清聞象成陳鼎龍里民龍郭新宋陳望等爲總納之糧久定科分之數難清懇據轉詳飭照舊辦以安民業以廣憲仁事竊惟則壤成賦聖王之稅畝有經因地制宜相之福民無量我皇上仁覆天下山陬海隅固已踴躍輸將矣復逢撫憲吳福佑西江政求民瘼邇者檄飭各郡縣遵照饒州府稟請查造田地山塘科則編載花戶管某則糧若干應完糧米若干爲後日蠲緩可查此時推收無弊誠見心周閭里愛我元元豫爲推廣皇仁之用顧地方之情形不一田地山塘之數有能分有必不能分者分之反至

貽害有已分有歷久未分者分之轉以滋擾袁郡山多田少而萬特甚田畝曉諭山盡不毛深坳窮谷絕火寬平之地弓無以下丈不能開所由出以把計而統以二十五把爲一畝賦不分納而總以田地塘山爲一糧自前元明迄今未嘗起而分之此勢之必不能分也肥瘠高下地原不同萬糧概科上則果待分其高下糧必別其重輕業戶農民豈不甚幸願以歷久已定之程遽向閭閻令冀請蠲請減紛擾壞聚機變百出官府因而查勘因而清丈度阡越陌迄無寧日而胥吏書役之擾刑費供應之需且首隱首瞞之控速訟速獄之端其爲累更不可勝言此又其情之必不可分者也至萬全書雖載一則田每畝徵銀六分九釐三毫二絲零一則地每畝徵銀一分八釐一毫六絲零一則山不折徵銀米二則塘一則編銀二分五釐六毫六絲一則不折徵似已條分其數矣不知分析而註者原以存賦額之名籠統而徵者自不沒正供之實况地與塘較田數極少以少數入多數民固不病其煩以多數帶少數民更樂得其便前人所爲地不分派塘不另徵而第以一總交納意原善也使第以山論則知全書

載每畝交銀六分九釐今每畝實徵銀八分零是按地與塘山而併入之也惟併入之故各戶止知管田若干即照每畝徵銀八分零算若干花戶底冊各存
在官竝無里催值期自行輸納糧足其田無他慮矣更不知有地糧何若塘糧
何若山糧何若也即時有售賣亦止照田畝推收無有另載塘地山場外糧蓋
塘與山之糧原併田內賣者將原存在官田糧底冊已戶下照畝推除若干買
者亦將原存在官田糧底冊已戶下照畝註新收若干若塘山另售則無糧收
除此又萬邑買賣之原不有牽漚也似此與撫憲釐剔推收之意隱若相符則
是仍循舊轍使一則之田總括之糧均以安然無慮即遇有蠲緩亦於現存在
官糧冊計畝分派未始不便民而順事也若必以數百年相沿之事一旦令其
分析將愚民紛擾之勞轉戾撫憲恤民之隱爲此切陳原委懇念田科一則糧
不分徵志乘所載至詳且備俯賜據情轉詳照舊查辦

受納若必寄厥卽令本州自差官吏專斗受納自是州差官兩員民戶輸納省
三之一至乾道二年徙寄厥於新喻淳熙改元始歸分宜縣惟寄筠者尚仍舊
貫民尤不便紹熙四年郡守徐傅開禧元年郡守羅克開相繼奏請乞取回筠
州寄納米就本州分宜縣受納起發不果至嘉定三年萬載縣申據進士劉輝
等一百名狀寄厥苗米被筠州倉司等處多方乞取錢米殘害乞將本縣人戶
合輸上供支移米差官就縣受納起發因依本州備申轉運司牒下袁州審實
郡守鄭昉與益廳熟議袁民運輸種種不便誠爲重困乞就萬載縣倉送納仍
從本州選差官吏痛革前弊以徂民便藉民力准轉運回牒來年別議自後竟
無施行嘉定十二年郡守滕強恕因陳裕民五事首言其弊亦未見施行本嘉
定志

開廳中轉運司牒云備准尚書省劄付本司相度具申本司契勘袁州萬載縣
四鄉有支移苗米一萬二千九百餘石就便赴筠州倉送納據筠州備到紹興
十四年紹熙五年本司公文具述係自治平年間就便支移立爲一路一州一
縣專勅行之至今一百五十有餘年民以爲便不聞詞訟蓋以萬載縣有小河

直達筠州民間所小船載米順流赴筠比於步擔赴袁利害遠絕又官昔仰東南漕運自筠起綱與自袁起綱其道里遠近水勢難易又大不侔所以立為定法兩便公私前此兩經袁州申請本司嘗兼無礙官司體究詢訪民間即無異詞備申朝廷終於不行今來袁州申請如彼而筠州回報如此成法具在利害曉然難以從袁州所申施行本司除已牒知筠袁州一面照支移舊法催納苗米不管因此疑誤民戶致輸納失時有妨上供云云

嘉定三年轉運司回牒云照得筠州受納萬載縣人戶支移苗米已是十一月終正是輸納之時若乃遽從劉輝等陳乞改就萬載縣送納必是申審朝廷行下往返動經逾月况劉輝等所陳已是冬深失時又且有礙筠州來春起發上供委繫利害合且就筠州權衡拘納已牒榜筠州併萬載縣曉示照遞年且就筠州受納仍嚴行約束受納合干等人不得妄有乞覓人戶錢物來年別議云云

邵守滕強怨條陳五事其一曰袁郡雖小民頗安業然事有出於一時之權宜而重為民困因循未革者筠州新豐倉寄廩苗米是也夫新豐寄廩之米係是萬載縣民戶合輸本郡之數當時但以萬載距州又十里溪流不通故寄輸於筠以便漕運其意雖美其患亦深蓋萬載寄輸歷上高縣宛轉經涉二百餘里而後至於筠道路迂回其費不貲暨其至也均人之視袁人又不啻秦越之不相恤關征市易欺尅百端斛面倉費過取無度萬載編氓不勝其苦嘗訴之監司聞之省部願就本州置倉輸納奈筠之官吏利於所入多方阻撓指寄廩為青氈視吾民為奇貨上下請託必欲仍舊貫而後已前後袁之守臣亦嘗為民控告尚未獲命臣嘗考本州寄廩苗米舊有兩處一隸於臨江一隸於筠在臨江者紹興三十年後已還本州輸納就分宜縣置支移倉以領之民以為便惟筠之寄輸尚仍其故豈萬載之民獨不恤耶臣到任之初博咨民瘼無不首言此弊以為邑民告不便於官者亦有年矣今安可不亟為力陳而坐視其困哉兼訪之吏民皆云萬載邑東有丁田渡邇來江面稍濶可以運舟江之左右地勢延袤可瓶置倉厥若使萬載苗米不輸於筠而輸於此可以省民二百里轉輸之勞為利甚博欲望聖慈矜全民瘼行下本路漕臣俾令徑就本州措置收納一洗寄輸之弊以便百里之民則萬載老稚無不誌舞春風之中而復觀天

日之明不勝幸甚取進止云云

舊按支移苗米寄厥之弊如省耗米脚耗米水脚錢頭子錢公吏事例錢皆有常數此外每斛先取四斗謂之軍用米又取六升爲九厥米又取六升爲打草米將此三色盡打虛鈔與攬子變見錢及每斗再取錢五十文亦謂之事例錢逮至盤量正米數足其餘出贖盡打虛鈔與攬子變見錢謂之揭鈔錢色目多端竝以醋錢爲各解入公使庫克宴飲供饋費見紹興三十年臣僚上言疏中萬載米獨寄筠困累不堪終宋世無改然爲民之心不可湮也

本州倉受輸歲久不能無弊取於民者日增嘉定十三年司戶高炎劄陳大弊乞會郡縣官詳議減除郡守滕強恕下僉廳議行歲蠲米一千二百餘石刻石倉壁俾可永久責民積年之病自此有瘳本嘉定志寶慶丙戌郡守曹叔達蠲減秋苗斛而米七千四百六十石有奇而四縣苗倉減數不與焉民被其惠勒碑於倉寶慶陳志述其始末

舊按州倉斛面諸弊病民實甚賢有司剔弊減除皆愛民實政也而府志缺載曹太守於述年斛面米上特減一官斗并定鐵耳分寸以爲限制亦惠之不吝

沒者

明嘉靖志云府四縣之糧計田六畝二分四釐已科糧一石外仍夏稅米一斗比鄰郡臨吉等屬計田一十八畝始科糧一石者實重二倍正統元年知縣周瑛奏准每田一畝比照各府縣分納本色米五升三合其餘准收折色銀布輕資然歲久法弊民困如故嘉靖二十二年知府范欽備稽舊案以宏治中每石派銀四錢四分五毫零正德十年前加至四錢九分九釐九毫零嘉靖年間漸至五錢五分七釐二毫零九年知縣謝載申請每石僅減一分八釐四毫都御史胡岳量減至五錢一分五釐五毫有畸欽於是具狀申請及得末減凡米一石并夏稅共徵銀五錢二釐零民猶稱困節

嘉靖三十六年知府張任據老人張檜等呈申請巡撫都御史馬森稍爲減派四字查府詳增入三十八年民人高儼等復奏行知府李德甫查議請於巡撫何遷每石并夏稅准派銀四錢二分九釐民困稍甦然猶未復正統成化間善額節府志

萬曆九年通飭合省丈量獨袁憚勞未行止將官民田一概攤派以致五畝入

分科糧一石比前尤重兼日久奏告事湮又加派各府祿米三色榜紙等項每石派至五錢二分有零嗣奉加派遼餉每畝派銀三釐五毫續加五釐五毫所謂以盤地畝銀即此 省司收照糧難袁素困重則偏累益甚紳耆責業泗等屢告行府知府黃鳴喬備情懇詳稍獲原減崇禎五年鄉官鍾煥等又具奏疏奉旨照畝均派然制令久改格未盡行袁民膏血日賸月削訖於明終陳志舊按萬曆四十七年蒙藩司覆議萬載縣減銀一千一百四兩零雖未依照畝之例比舊數為稍懸 見府志注

萬載南糧舊倉糧里號為解頭 洪武時設糧長每區二人編定輪當 累懲已極萬曆三十八年糧里具呈改為官解 萬曆四十四年撫院王佐按院陳于廷題作上疲 四十六年奉使司詳允全書載官民米一石議派使費價銀一分九釐八毫共該銀一千二十五兩五錢九分五釐內議將七百一十六兩六錢九分五釐同額編船鹽腳費銀俱給南糧解官修倉僱船募夫沿途神廟銷批等費後又改為請折石折銀七錢自天啟七年崇禎二年遞增至七錢百姓力詘請折令又不行崇禎六年撫院以徵解愆期請責成印官親徵府佐彙

解又奉旨南糧比照漕米不蠲不赦士民苦災傷呈請改折知縣韋明傑請此照浙江金衢紹等府南直徽州府廣德州准折三年限滿又請折五年而江浦六合青陽溧陽麻城等縣又各比例再三申懇巡撫解學龍行司道催議萬載果係荒疲與奉新上高同題永折奉旨南糧改折不得借端輕議致官民觀望稽誤軍儲似此荒疲之邑即准截解同運千難萬難蓋從前民解逃有荒糧傾貲代賑家破人亡既改官解止能代勞不能代費且逃里絕甲強半荒蕪經年比追無田無人從何取足將來南米一項官既受累勢必轉而折入於民安得仍依往例遇荒則蠲或照相沿每石折銀五錢亦如北解京邊七分考成准以帶徵二分新例庶官民不至束手 本舊志

舊按此論因地荒額缺言多切痛錄之以告後之為有司者 崇禎七年巡撫解學龍題疏府縣志缺載今從奉新志錄後為奉新萬載二縣疲瘠異常南糧措解難支仰乞皇仁准折以藉民困事崇禎七年五月初一日據江西署布政司事分守湖西道黃承昊呈詳奉臣批據分守南昌道署左布政使潘曾紱呈據南昌府申詳為賦重通省民困南糧乞賜請詳具題永折南

米以救疲民事內稱據奉新縣申詳南糧永折緣由云云又據分守湖西道副使兼參議黃承吳呈詳據袁州府申詳爲疲邑南糧無措懇請收折以救子遺事內稱據萬載縣申詳南糧收折緣由到府該本府知府田有年看得萬載號爲上疲實宇內未曾有南糧一項查自萬曆三十八年以後改折者十四全欠者十五稍完者不過一二年已耳故該縣淚盡血繼力請每石四五錢之永折以便後來之鞭策夫界府與該縣竭蹶催科之愴其何敢火後惟是地方苦累遭逢不淑守牧才短心力俱窮計該縣之鑄職級者十六七界府之鑄職級者亦十四五倘百姓物力可輸豈守令自甘落後乎謹據該縣詳由申請等因具申到道該分守湖西道副使兼參議黃承吳覆看得萬載凋瘵申於江右南糧從無全徵全解之年際官徒受參罰逋糧無益分毫已當勢窮應變之日永折之請郡邑業已再三而未蒙院允若不永折年復一年萬載幾不可以爲邑矣而留諸徒掛不下之局亦何益乎採民水火莫此爲亟伏乞懇請准折則萬載之民庶有更生之望等因奉批仰布政司會同督糧道覆議報又蒙巡按江西監察王御史批同前事蒙此俱經備極督糧道覆議去後今該本司署司事并

署督糧道事分守湖西道副使兼參議黃承吳會看得奉新萬載其至疲至瘠不獨江右通省知之卽海內亦無不指而目之者也南糧從無完解之慮豈昔官不盡心夫亦地方凋瘵無可奈何徒使縣官受參罰之苦南糧留不了之局於國計亦何分毫實益乎此該道府所以代爲之籲也合無將南糧永折成民力稍蘇而二邑尙可再造乎及查萬載縣南京倉新舊例米八千七百九十五石五斗五升每石折銀五錢共該折銀四千三百九十七兩七錢七分五釐每兩應水脚銀二分八釐共銀一百二十三兩一錢三分七釐七毫以克解官路費等項所有原編載批解部蘆蓆苗竹餉晒鹽脚等銀歷查改折年分俱已減編伏乞允賜具題等因具詳到臣該臣會同巡按江西監察御史王萬象看得則壤定賦固有常經第偏枯幾同嚼位而膠柱不少更豈亦徒令國與民交受其困終無益於完虧之數如江省之疲甲天下矣乃南昌府之奉新袁州府之萬載更有不堪言者以極疲之地蒙極重之賦髓枯骨立粕盡醜乾而不蒙軫恤於聖世則臣等終日徬徨而不敢不上聞者也萬載雖不若奉新之重賦而疲更過之先年撫臣王佐疏題災傷獨列之於上疲蓋此邑之不可與諸邑並

高車果元
論風已聞之九閩悉之日計矣查自萬曆三十八年以來南糧之改折者凡十
四全欠者亦有五其間稍完者不過一二年耳土毛不產民既困於催科敲
撲不靈官亦窮於鑄級縣官之鑄未已也鑄及府官是豈甘爲地方受過不願
超然於泰罰外耶則亦其力殫計竭而無可如何也伏乞皇上軫念凋殘仁均
覆帔敕下該部將奉新萬載正耗米永行改折每石折銀五錢每兩徵水脚銀
二分八釐其奉新綿布折銀與萬載本折苧布與折色棉布俱照舊徵解當此
窮野窮山杼軸一空之日倘少留涓滴於民間下慰樂生之眾既不至爲集野
之鴻上敦維正之供亦不致同畫圖之餅從此小邑痼瘼尙堪起色而都鄙卒
伍亦免呼庚矣

南糧使費全書附載初議官民米一百派稱銀一分九釐旋復裁出銀一百五
十五兩九錢四分改抵宗祿惟七百四十一兩八錢九分五釐給南糧解官又
一百五十三兩給南布折解費每官民米一石改派一分六釐七毫入絲九
忽四微四纖其守櫃工食紙張筆墨油燭二項銀七十三兩二錢又募夫五十
四兩支餘三兩五錢俱已改宗祿訖而全書未經改正致府據全書復議幫軍

器幫漕運將南糧解費目就縮額當年民解改爲官解恐涉窮則變復僉糧里
民又不稱苦乎 舊志

茲按李志南糧官徵官解行之數年有司惑於二三之說復派里長值糧既已
增銀又行加役豈惟一鬼二皮抑且困苦無已所慮復僉糧里之言於斯竟驗
又按崇禎三年於向增九釐外復畝增三釐五年每兩增一錢名曰助餉七年
每畝增餉一分四釐九絲十一年畝加練餉一分而江省派餉仍不計畝迨計
糧每石加至七入錢有零萬民尤苦之知縣韋明傑請免請均請寬恤屢請
文量豁荒前後凡九次 籲天四議

一陳荒糧之苦看得本縣田糧自萬曆九年開丈十一年而又其時值巨盜
李太變嘯聚黎源等地方附近七八十里莊佃撲追逃散莊主究窩陳連迨盜
戰民安舊佃無一復業新佃難卒集而莊主磨貧又不能出牛種以致日任荒
蕪國初版籍之田至今鞠爲茂草其有與巨盜阻遠而亦多荒蕪者又因界在
萬山田地如樓如梯萬厝丙子年元冥作祟巨浸稽天山谷之山榛莽蔽翳沙
石傾壓至己酉饑饉之勢甚於丙子魚鱗冊籍盡爲河伯所收夫田雖隨水而

糧則戶存土既不毛微復難貸於是故土難安他鄉可適二三十年來逃亡相繼十室九空一望荆榛有不知係誰氏之田者及至徵糧荒者稱荒不荒者亦稱荒人人藉口莫可究詰入田地交易賣者因無冊籍利在速售減糧之多以爲少買者執稱有契樂其糧輕選田之肥以丟磽故買賣之後產去存存紛紛相告無有寧日聽訟者別籍銷亡難爲定案相蒙之弊莫甚於此卑職以爲荒糧不清民欠不知其實而查荒之以不確藉荒之弊亦不少合無准其開丈將真正荒蕪田產原在某都某肯仍丈歸某都某肯別爲上中下荒糧田冊漸召開墾寬以三年緩其租賦其有不可以人力墾者在爲欠數不灑派於本肯則人無田磽賦重之苦另存荒於本甲則肯免盈縮不定之愆庶真正荒田有確據而以熟作荒或牛荒作全荒並同爲好者不得藉口而狡猾拖連矣

一陳絕甲之苦看得本縣一百零四里卽是一百零四畝民初丈量分在城爲東西二隅在鄉爲懷舊萬載進城歐桂東西共五鄉後乃分爲六區二十四都都統黃肯統甲每肯十甲而城則謂之坊長鄉則謂之里長里之下則謂之甲首以坊統里以里統甲居平則講信修睦當官則勸納催輸中有變易名字滑

亂簿書者決有禁制甚善也歷年既久糧則一定不虧丁則旦夕消長且業主入戶星散流移法不弊而時弊法弊則全革其法時弊則但理其時今一甲之中有糧多丁寡者有寥寥二三丁者甚有丁絕戶絕者有丁未盡絕存一二子遺錢糧無勾合者里長各號猶存每逢徵比之日承催無人勢必委之差役差役無從覓戶第以一二殘疾病廢之人輪值應比有與斯養冒名當差牧豎乞兒頂差塞責而田連阡陌有力之家詭入別都別甲藉口寄糧不得與本肯之民分任差徭反坐享餘閒致有司莫可詰問錢糧何時得清而窮民何時脫苦此正時窮而法亦宜變者也卑職嘗釋糧里之名冠糧於里係里於糧義實相因有糧則有里無糧則無里今繁累鞭笞以應官司之限半多無田無糧貧弱殘疾之人其能造項通有力之家使其糧之必完乎又有一種積年光棍借里長爲名包攬催徵代充比較日爲科歛使費那侵錢糧與衙役保狀表裏爲奸則又與於貧弱殘疾之甚者也合無於每肯無糧里長免其差徭酌以本肯錢糧數多人丁繁初者令其繼絕其有一甲之中丁盡戶絕全無里長卽以寄糧人戶承頂以今日之姓各補版圖之鬼錄或三年一審五年一審與時上下隨

糧變遷第於原初里長戶下明著某人承差某人共役庶籍定之民不必逃戶
寄糧之戶不徇縣差以紓困窮無賴之苦以前積遺隱匿之奸以杜攬納那侵
之弊或亦與減總絕設法追徵之善術也况此中舊例一切解司錢糧及南運
皆係長里起解今改爲官解別無他役繁苛止爲值年催糧自是富民有田有
糧者往役之義卽如卑職浙中先年審役每以殷實富民僉克後條議均田所
若干畝當一里計畝均役間亦田有肥瘠兼帶殷實如市民則全論殷實矣此
中不甚相遠獨不可倣而行之乎至如異府異縣隔界之民僑居之粟或有買
出於本縣者客戶難追屢年不楚急則逃居原籍動費關提當於土著之外另
立一戶於各區之末卽審立客長嚴催不惟有以示別主客不至混淆尤可防
他日冒籍求榮之弊也

一陳加派之苦看得本縣山多阪少土瘠毛微百姓至貧甲於江右蓋以高山
爲川與平疇者異田厠山巒如屏之樓如登高之梯際晴易涸過雨易潰與陂
塘蓄洩者異最下者多居坑冲四山覆壓陽照不長陰多冷風與暗霽被照者
異勝斜坎峭層累而上力作艱難與比段易耕者異產穀多鎗米無什三與斗

穀半米者異本縣佃民多係撫瑞等府貴州上高新昌等州縣雜以閩楚易來
易去牛和兩無所恃與土著自耕者異佃民孤處窮谷形影相弔賦至無援水
旱饑荒牛種盡於剽掠致多棄佃遠徙與井煙稠密出入相友守望相助而田
不拋荒者異一衣帶水僅通瑞河秋成糶賣稀穀適當水涸又阻於上高高安
浮橋以時展閉亦楫爲難商賈罕至與河大水深商艘市舶鱗集相望者異
本縣之糧國初以鄉三斗卽九升疑爲三官斗折半成賦計田六畝科米一石
與二三百畝五六斗畝亦一三二十畝科米一石者異卽如袁州一府其賦重
則三縣與萬畝同而歷數前款其民疲則萬載更與三縣異迄今本縣各鄉之
田如白水書堂潭華鐵山界瀏陽界首等田有送人認糧而不肯受者以此思
田田可知以此思糧糧何得不欠乎嘉靖年間言民高像等詣闕奏開貴州科
派獨重奉旨永不加派跡經勒石儀門無奈事遠年湮未幾而星子峽白等縣
沙塞之糧派入萬載夫他縣沙塞以萬載爲任苦之區萬載沙塞將安歸乎繼
而新增各祿三色磅紆門殿陳設協濟楚省及邊餉等項加派日至甚甚日深
天啟年間撫按兩臺疏題萬載高安等縣上破應減免邊餉而高安何以上

疲得免萬載何以上疲獨不免今者高安以上疲得量徵萬載何以上疲獨全徵同一去章而恩波特外共爲羸弱而愷濟偏私况今切畝三釐之加又不免將何以出一力於湯火乎與職草議甫奉有部文獨將卑職首坐降級戴罪實以預徵四年分折餉全未有前倍加參罰夫元二三年分舊餉尙逋欠以數千計必欲以預徵及額此萬不得之數也其奉公紀錄各官內開催科尙緩那諸存留期會未違半繇猶貸是已如萬載青庫藏如洗有何存留鄉紳富民正額不足從何稱貸一官不足惜苦此一方民痛上加痛其誰能堪合無申請奏開立賜減免兼准緩徵得比於高安昔年免派之例自今以後年徵一年但得如額完解卽不待預徵亦不至積年逋欠矣

一陳賦重之苦看徂萬載邑居山谷旱澇不常十無一稔田賦賦重甲於江省勒石永不加派歲久事湮差日繁而額日增比之他郡邑積漸至倍有殫其力之所入不足以供賦稅者而且困於李大學之兵火丁亡戶絕有田無人而且困於丙子己酉之洪水硤塞谷陷有糧無田如書堂白水鐵山界劉陽界黎源等處百里人煙鞠爲茂草糧額虛懸里中空設於是逋負歲積官罹重罰民苦

流移自萬曆四十七年以前已爲撫按兩臺所軫恤准上疲七分免三不謂東事倥偬行派遠餉不照畝而照糧加派至五千七百九十七兩彼時山僻寡按下情難達屢經築舍控額無門遂一任其加莫顧其後既不得與高安共荷免派之恩亦不得與通省共依九釐之例重益加重苦益加苦而民之棄田不業逃亡轉徙者日甚一日至動色相戒率謂有田不如無田甚有送人承糧而不受者卽有田召佃土著人少皆籍高新楚瀏外人春利牛種秋收飽颺租入未半入口爲艱揀死不贍奚問追呼是本因瘠生情乃因情轉貧亦復因貧轉偷轉頑所以規避錢糧抗拒追比者不遺餘力每當比較通商有欠至數百兩者止交一兩二兩通甲有欠至數十兩者止交一錢二錢以鄉約勸諭之不得以告誡董率之不得以扑責懲戒之不得甚則投追枷追監追以盡法嚴處之又不得一人如此人人復然一年如此年年復然民既如此士亦復然問其田則曰已荒問其人則曰已逃糧多掛欠者則曰我已完三分五分糧少全逋者則曰我從來不完欠不獨我也誅之不可勝誅遂使慈吏無所行其勸相嚴吏無所用其鞭笞民實窮於力之無可奈何官亦窮於法之無可奈何不得不降

之又降直以官為殉其真能化瘠土而沃壤起不毛而樹藝乎其真能呼哀鴻而還集以紙上之糧盡為實徵之賦乎其真能以智窮力竭之百姓盡變為急公樂輸好義之百姓乎則積逋如山實繇積弊所致固宜糧荒賦重交徵例懸士民之匍匐上控者一而再再而三也今奉有新功令直省錢糧見壓不等預徵勒限五分責成如期清楚然額有輕重地有肥磽糧有荒熟即通省亦多不等以極凋極疲極多逋之邑欲與土沃民淳糧輕派少者同科彼為三釐此亦與為三釐彼為五分此亦與為五分彼為十分考成此亦與為十分考成其可得乎則如京邊邊餉自宜遵照七分免三之前旨而宗祿而南糧而協濟又不及待言矣總之糧逋繇田荒田荒繇民逃民逃繇賦重申請丈量分別荒熟勢必缺額缺額必至攤派攤之一邑不無偏枯攤之通省難免聚訟自非憲臺軫念一方民苦轉申題請委官丈量照出荒糧作何議處或如峽江星子舊例攤派沙塞或如高安豐城近例減免糧餉糜疲邑有瘳而令茲土者亦得以展布萬一矣若夫三釐之破格寬貸南米之引例緩徵以及協濟之派與門殿陳設之派增自天啟七年者懇求奏聞豁免事在憲臺俯徇輿情斟酌調劑獨斷施行

與為空名之徵派寔為實受之蠲除則官無掣肘民有避息京邊常賦可以如期全完公私兩全之術也

韋公明傑顯天四議前志編入藝文今移置此因類相從一則見喪亂之苦而有生不逢辰之嘆一則見賢令尹為民請命之盛心哀痛迫切萬民所宜世世不忘者也十一月日記

[Faint bleed-through text from the reverse side of the page]

萬載縣志卷四之二
食貨

屯田 雜稅表 戶口表 鹽鈔 蠲政

屯糧早年入民賦初擬率從刪却既思田畝實少專書合併有無
錯誤公署全燬檔案不存况前朝遺制猶見兵民合一之規而漕
東南之粟濟西北之餉轉運維艱輸將莫後益以啟億兆人急公
好義之心而體恤下情隨時損益則大一統之宏模苛細之捐更
可不言而戶口之增減國家之富強因之蹉政關天下大利運銷
設處特一時權宜之法函請詳明見告訖無緒論之可聞愈以徵
載筆之難而實事求是之不易也催科政拙則自古歎之矣 庚辰

十月十五日

分徵袁州衛原額屯田壹百肆拾陸頃肆拾畝縣舊志官民屯田數及縣冊軍屯民屯數除屯地外均與此數減少及陳志所載與袁衛全書肆百捌拾捌分每分叁拾畝之數相合故從府志紀載內荒蕪開除陸拾玖頃壹拾玖畝陸分康熙九年袁衛移交實共成熟田柒拾柒頃貳拾畝肆分縣舊志據此爲原額誤乾隆初年墾補叁頃柒拾玖畝伍分柒釐肆毫陸絲共成熟田捌拾頃玖拾玖畝玖分柒釐肆毫陸絲陳志縣冊以屯地壹拾肆畝陸分貳毫肆絲併計爲成熟原額故云捌拾壹頃壹拾肆畝伍分柒釐柒毫今核正乾隆二十四年清出雍正年間墾屯誤陞民糧田壹頃壹拾柒畝貳分貳釐清出開墾叁拾壹頃玖拾壹畝叁釐

貳毫捌絲乾隆三十五年詳諮缺額水冲田壹頃伍拾伍畝捌分貳釐詳諮山嶺水涯田肆頃壹拾貳畝叁分柒釐柒毫肆絲本縣冊見在成熟屯田壹百捌頃肆拾畝叁釐畝科籽粒米貳斗內軍管貳拾頃貳拾柒畝叁分每畝征餘和銀壹錢民管捌拾捌頃壹拾貳畝柒分叁釐每畝徵餘租銀壹錢柒分共該科籽粒米貳千壹百陸拾捌石陸合每石折銀肆錢應徵正折銀捌百陸拾柒兩貳錢貳釐每石徵加增銀壹錢徵加增銀貳百壹拾陸兩捌錢壹釐每石徵餘徭銀叁分叁釐柒毫伍絲陸忽貳微捌纖貳沙玖埃徵餘徭銀柒拾叁兩壹錢捌分叁釐軍屯應徵餘租銀貳百貳兩柒錢叁分民屯應徵餘租銀壹千肆百玖拾捌兩壹錢陸分肆釐本全書及縣冊

原額屯地壹拾陸頃柒拾柒畝叁分內軍管壹頃捌拾貳畝民管壹拾肆頃玖拾伍畝叁分本縣舊志軍屯荒蕪開除止遺地壹拾肆畝陸分貳毫肆絲乾隆二十四年清出開墾壹拾壹頃叁拾壹畝壹分玖釐柒毫陸絲乾隆三十五年詳豁缺額水冲地一頃貳拾柒畝玖分陸釐本縣冊

見在成熟屯地壹拾頃壹拾柒畝捌分肆釐照南昌前衛則例每畝科麥豆糧貳斗貳升叁合捌勺叁抄捌撮肆圭該科麥豆糧貳百貳拾柒石捌斗叁升壹合壹勺每石折銀貳錢應徵正折銀肆拾伍兩伍錢陸分陸釐畝徵餘租陸分徵餘租銀陸拾壹兩柒分本全書及縣冊

以上屯地田項下共應徵正折加增餘徭餘租銀貳千玖百陸拾肆兩柒錢壹分陸釐

又屯丁項下額編貳兩肆錢捌分玖釐攤增叁拾兩肆錢陸分柒釐餘詳兵衛志軍丁內共銀叁拾貳兩玖錢伍分陸釐

共實徵銀貳千玖百玖拾柒兩陸錢柒分貳釐
解欸

布政司項下 都司存留屯銀內扣解裁官經費銀壹百伍兩玖分陸釐 都司存留歸併解支銀陸百肆拾捌兩肆錢叁分捌釐
內原簡明全書刊載存留不敷動支應加增銀捌拾叁兩柒錢捌分
帶徵屯丁解部銀數見前遇閏加銀伍錢捌分肆釐

督糧道項下 漕運支銷銀肆百肆拾玖兩貳錢壹分捌釐

四項共解銀壹千貳百叁拾伍兩柒錢捌釐俱本嘉慶十八年賦役
全書

外解督糧道貼軍餘租銀壹千柒百陸拾壹兩玖錢陸分肆釐本
縣册

舊按府志云軍管屯田每畝連原額征餘租銀壹錢肆分民管屯
田每畝連原額征餘租銀貳錢肆分屯地每畝徵租銀捌分科則
與全書附載縣房詳册異而田地實數亦較全書增多餘租總
數遂至貳千伍百伍拾玖兩有零查屯田軍管額徵壹錢陸釐柒
毫伍絲零外餘租始加五分後定爲壹錢民管除額徵銀外餘租

議照上高五則漕糧科則每畝另徵漕米叁升柒合叁勺零折徵
濟運銀貳分貳釐叁毫捌絲陸忽伍微捌纖後定爲壹錢柒分屯
地僅徵餘租陸分府志誤

萬載屯糧向歸衛徵本無民屯因丁逃地荒追徵無著屯田道許
纘曾履畝興屯士紳公呈荒由未克清理康熙九年歸縣徵解軍
丁力竭輾轉而售於民迨民屯成熟乃起而爭之控案山積歷經
各憲斷歸民管不許軍丁過問雍正九年旗丁孫洛高等復援玉
山例妄呈袁衛詳請畝追餘租捌分解道濟運十年邑貢生郭邦
藩率里民謝廷宣等呈院知縣汪議覆每畝餘租二分有奇先是
雍正七年部咨未墾屯田應令軍丁開墾不許民種亦不許轉售

於民田荒如故十一年知縣汪詳准聽民領墾陞科仍量徵租息
贍運

順治十六年公呈許道臺爲極陳荒繇繪圖請命事袁郡四邑獨萬載僻處一隅
廣袤百餘里皆山林深谷不毛之地山高山隘土瘠民稀自先朝草寇李大鑿犯
沿猖獗緣立黎源哨兵開田以支工食今竟罷去則地各西峯大障嚴山故山
一帶連阡鞠爲茂草因兵悞荒者此其一崇禎癸未天井哨聚獻寇侵疆攻城屠
邑者二十七調徵援勦者三十六兵馳交馳地名船蓬嶺陽圭洞演武亭等處
一望曠野不勝黍離之悲其中之半可開半不可開者此其一及至乙酉蛟驕作
孽山崩石頽則北鄉一帶高村歧源菱燕謝陂等處沙壅成山水湧爲河較前
日之有田成荒者又不勝滄桑陵谷之感此有可開有永不可開者此其一時

至丙戌陽氣驕蹇赤地如焚致令丁亥奇荒斗米價值二兩骨枕荒邱屍橫遍
衢由是半熟之山率至於盡荒而無人承墾者此其一迄至今雖有二三殘黎
多方召募異屬開墾無奈防兵不守紀律恃強挾糴土著之民含屈飲痛死守
故土異境之民聞風而逃此可開而無可致人開者此其一兵燹之後人去而
田存滄陵之後田亡而課存即使有田無人有人無資究至在民無可開之田
在官無可屯之產所以不能開者十有八九能開者十僅二二三通邑民米五萬
一千有奇而成熟止餘一萬六千有奇矣屢經申請未沐蠲全此呼天搶地莫
敢如何者也今蒙憲臺駐旌屢畝士民莫不引領惟是履畝與屯洵飽騰之先
著然必先量其地復量其民田之荒熟以覈租稅之有無嗣是民田之有至而
荒者固當逐歲以力舉無主而荒者自樂歸公而免稅於是乎去其蝨賊集其
哀鴻募其游惰助之以耕本給之以牛種寬之以歲月萬載疲入沈疴然亦可
補救於萬一也嘗謂兵民合一之制莫善於屯興屯莫若撫流民去土兵兵不
去則民不集民不集則屯政不可得而理矣萬邑非甚難行屯也山地非不可
屯而理也所難得者異地販賣牽牛之眾所可長者土著持戈佩刃之卒耳今

以二三鵠形鳩回之民而當此狼吞虎噬之後麥初斫而稅夏禾未甲而征秋將隴頭之作息供河上之逍遙兵興日繁民命日促糧餉愈增而民食愈不足所謂畿南千里不支援旅數日之需塞上三軍日盼司農十鍾之賜而欲求東南有一石之入西北省數石之輸其可得乎故古神農有言曰雖有石城湯池帶甲而亡粟不能守也今欲興萬世之長策頓開百年之草味萬苦上疲獨甲諸州願憲臺密處之

雍正十年里民謝廷宜龍道遠李遜友等爲妄呈加派乞賜救民事萬邑民管屯田皆出軍丁售賣從前歷有成案不許軍丁過問况每畝徵銀一錢六釐七毫糧稱極重雍正七年憲臺接准部文議於正課之外科糧折徵未忍輒行詎遭旗丁孫洛高等聳衛詳道勒於民管屯田每畝除完籽粒外追徵餘租銀又分給飽谿壑陡然差役提解悖旨違議民墮水火奔呈提究救全民命上呈奉巡撫謝批仰布政司會同督糧道確查妥議等因行府到縣該萬載縣知縣汪元采看得里民謝廷宜等呈控旗丁孫洛高等聳衛詳道追餘租一案先蒙飭照民田科則有無餘租可以折徵解道濟運等因卑職隨查萬邑民田每畝徵銀

六分九釐三毫零屯田每畝徵銀一錢六釐七毫零已較民糧每畝多銀三分七釐四毫似無餘糧可以折徵濟運祇念造運二項實屬繁重之役屯田一項原爲濟運而設且軍管屯田於完納正課外領運當差故止完銀例不納米民管軍田並不承領造運似不得與軍丁一例完納是以前詳復照民田每畝科南米六合四勺零科銀三釐八毫零折徵濟運等由詳覆在案嗣奉糧憲明示以部文內所稱除完正課外照民田則例科糧一語乃係指照民田漕糧科則等因遵關接界之上高縣查開科則內有一二三四五則之差等查萬邑屯田俱極饒瘠而屯糧又較他縣獨重卑職再四斟酌應請比照上高五則漕糧科則每畝除完正課一錢六釐七毫外另徵漕米三升七合三勺一抄九圭七粟仍照部價折徵銀二分二釐三毫八絲六忽五微又織解候濟運是否允協合詳核轉布政使司朱督糧道高會看得萬載縣里民謝廷宜等呈控旗丁孫洛高等加徵餘租一案據該府詳據萬載縣詳稱云云前來查萬邑民管軍田軍丁孫洛高等每畝請徵餘租銀八分四厘特謬而該縣先以民糧科則輕屯糧科則重請於完正課之外科米六合四勺零折徵解給亦與原行折徵餘糧以

資贖運之義未符但該邑屯田地多疏墾糧額亦與他邑較重應如該府縣所請照隣邑上高縣五則民田科則每山一畝除完正課外另徵漕米三升七合三勺一抄九圭七粟照兵折價銀二分二釐三毫八絲六忽五微八纖解道給軍濟運庶與原奉部議相符是否允協本司道未敢擅便相應據文會詳憲臺俯賜鑒酌批示遵行奉巡撫都察院謝批如詳轉飭遵照仍飭該縣不得額外加徵糧戶亦不得抗違拖欠知縣汪元采爲請廣軍民開墾之例仰祈憲鑒以溥皇仁事竊照清查軍產一案凡有未墾屯田奉文勸令軍丁廣爲墾種不許民人開墾嗣後屯田不許轉售於民以徐爲歸軍之計本爲恤軍運濟起見今卑職目擊軍民開墾情形似宜稍爲變通今不揣冒昧於成例之中推廣數事謹爲我憲臺陳之伏查袁衛全書原額屯田四百八十八分每分屯田三十畝共計屯田一百四十六頃四十畝所謂分者卽一丁所承之數猶古井田一夫授田之意因順治初年荒亂類仍軍丁逃亡以致田畝荒蕪已於順治十年題明豁額在案至康熙九年屯田歸併州縣止據袁衛移交田七十七頃二十畝四分較之原額缺田六十九頃一十九畝六分嗣值甲寅兵燹併此七十七頃之內亦

半荒蕪所有應徵糧額未蒙豁減歷係糧戶包賠以故歷年開墾但止得補戶內荒缺以避賠累實未展復原題之荒蕪也自雍正七年奉准大部咨行清理屯田筋將未墾之田勸令軍丁墾種迄今四年未據具報蓋萬難小邑縱橫一百四十里而各屯田又坐落於深山邃谷層巒疊嶂之間按計現在軍丁不過四五十分不及原額什分之一力有不能分給且兼舊運未完新運又僉新造甫畢累造見告南馳北往動輒經年而此屯田又往往與民田錯壤隣冊久逕坵畝難覓軍墾民爭徒滋訟牒軍不能墾有斷斷然者適因卑職經歷各鄉諮詢疾苦乃聞有無產窮民屢懇無主屯田迨見不許民墾之示不敢種作亦不敢自首因而復荒爲之再四籌畫因思未復屯額責之軍丁自墾苗裔復爲荆棘無論不能責民復墾以貽軍丁且思屯田久已無主今第曰遣軍凡屬軍丁無不羣起而爭縣令與軍民疾痛相關向忍委之無可如何而不啞爲調劑乎竊謂清屯期於濟軍今若於定例之內稍爲通變仍聽民人開墾分別水田旱田三年六年之限一例報墾卽將所獲租息借其工本以示鼓勵於應徵分分除完正糧外照依屯例每畝徵籽粒米二斗每斗折銀四分一釐共徵銀八分

二釐彙解糧道贍軍濟運庶免軍丁汎行爭奪仍各按戶給以由帖酌定中價併將墾田查明丘段做照魚鱗冊式以備日後稽查俟軍戶有力時償還工本田歸軍戶庶無產貧民可使盡力於墾而無暇軍丁咸得漸復其故物似於國賦軍民均屬有益至現在管屯之戶尚有包賠缺額者冊內註有缺田字樣應來相傳確非捏飾此番清查如有屯戶知原委者自應遵照部行給還屯戶以足缺額其不知原委及冊內未載缺田字樣者概令陞科分別還軍陞科二項造冊送核庶免潛滋再查從前屯糧無論軍民統入地丁實徵冊內過除是以一切軍民於公私交迫之際或詐屯田爲民田之名或雜屯田於民田之內似宜另設屯冊民管屯管各爲一本必俾軍戶方許推收過戶其他私相售受一概不許除收則屯田之版籍有定以徐俟軍丁繁庶之日按籍而歸亦清屯之一法也再有請者輒運重徭全賴軍丁而軍丁衰替亟宜生聚嗣後軍丁無子應請不拘異姓之例義男女婿皆許承祧不許廢蕩軍產本軍子婿亦不許爭逐庶生齒日繁舊額可復矣再卑職現在詣鄉親行勸墾誠恐愚民遠巡退縮憚於從事請允卑職從權先給墾帖以堅其志俟報有成數一面另給由

帖一函具文申報合無詳請憲臺核奪飭示遵行除詳督撫兩憲暨藩臬糧憲外爲此備由緣同書冊具申布政使司宋督糧道會詳撫院謝看語會看得各衛所未墾荒屯經前司等詳奉前署院張題准部覆禁止民人開墾本司等伏查各衛所屯丁原有多寡貧富不同在丁多而殷富者墾荒自易爲力其丁少貧疲之衛民既禁其開闢軍又無力耕種民有餘閑野多曠土現據萬載縣詳該縣地方有袁州衛荒屯田地勸諭各軍墾種咸爾等寥寥數丁領運不遑無暇分身力作若僱人耕墾又無其力以致可墾之土曠廢日久而無業窮民又不許墾種實屬可惜等語似應稍爲通變凡有荒屯之虛令地方官遍諭本衛軍戶如有閒散之丁或自有墾資者勸其開墾外如無閑丁墾資情願聽民代墾者許民人呈縣查明領墾陞科每年除完納屯糧外量徵租息折銀解道給軍贍運俟中戶有力償還工本歸軍自種如此則窮民既得謀生力食疲丁又有租息贍運賦有加增田無荒廢實與經費軍民俱有裨益也倘本衛原有屯丁可以承墾者民人不得借端爭種亦不得行稟明私自開墾致啟爭端如有前弊查出仍照原議將田地還軍不應補給工本相應附請題明聽候部

議

田房契稅原無定額例係儘征儘解謹按稅契一項萬載視他縣獨優官倚此為格外之收入其後月有比較或則擾累業戶甚或照填就之價加倍徵收當時無敢反抗亦足見鄉人之畏官也

當稅銀肆拾伍兩 稅銀叁兩 牙稅銀叁拾陸兩 茶課銀壹兩伍錢 紙價銀叁分肆釐 官地租銀伍兩貳錢捌分 濠租銀貳兩此濠已賣株潭義倉

以上除契稅共銀玖拾貳兩捌錢壹分肆釐此銀編徵如有增減據實報解

永樂二年歲辦課鈔課程鈔酒醋課鈔油榨課鈔水碓課鈔水磨

課鈔 山課鈔 磚瓦窰課鈔 麤瓦碗窰課鈔 椶樹課鈔

黑瓦器窰課鈔 竹木山租鈔 茶課鈔 沒官房屋地租鈔

茶引油課鈔 魚課鈔 稅課局歲辦課鈔 商稅課鈔 契稅

工本課鈔 以上各課鈔細數截去 匠戶派銀 新增棚稅銀

稽躡春夏積銀 秋冬稽積穀銀 房屋稅契原額銀 典鋪

稅銀本縣向無典鋪萬曆末年始有徽商來此崇禎四年城池崩壞典鋪被劫回籍致窮民緩急無備錢糧逋欠不能應限而有力者算奇贏權子母週年加五加六崇禎八年冬議復典鋪

雜稅舊額銀八十兩扛解銀八兩計牙行銀三十二兩公費銀十二兩

萬曆二十八年知縣畢因不能足額議將官店水次倉租土租湊成足額萬曆四十四年奉文停止崇禎七年復議舉行知縣韋明傑詳減止報銀六十兩扣解銀六兩然額外誅求民實不堪店租土租歲久湮廢亦無從取足矣 細數均截去只留典舖一則以見當日之困苦亂極思治休養生息二百數十年不免為今日虞矣八月日記

暑宰菸酒之稅起於清季張文襄之洞之督鄂省內歸釐局省外由各州縣假手於小幕民間出十文公家難得一文其間網濶目疎於商賈無甚窒碍也民國則層層積累與年俱進甚而以一縣計總局分局以致於無數局搜括虛空耗費甚大則有包辦之一法吾聞鄉鎮之出而包辦者類皆地方稍存體面工於巧取之人其對待各戶也應急者急應緩者緩應寬者寬應縱者縱於包額不至少虧於私囊已較充裕試一平情而論凡包稅者絕類清朝之釐金局湘鄂疊用士人未審篤實之風遺留於今日否耶

普營稅

稅舊

四、七三三、一四

稅新

六、〇四二、〇〇

六、〇三九、九〇

菸酒牌照稅

稅舊

一五九、〇〇

新稅 一、六八〇、〇〇
新稅 一、三三四、〇〇

屠宰稅 新稅 八、二七九、〇四
五、九三七、一四

計征豬八千七百六十頭羊七伯零七頭豬每頭三元羊每頭一元百分之二十解庫額上數

二十八年一月至十二月底止經徵各稅數目

區別 一月至十二月 額征數 一月至十二月 征獲數

田賦正稅 舊稅 一四、四〇〇、〇〇
新稅 四四、七〇〇、〇〇
二六、四二二、四二

普營稅 舊稅 二、一六四、五〇
新稅 三五〇、一五、六三

菸酒牌照稅 新稅 一五、〇九六、〇〇
舊稅 五、八五五、八〇

屠宰稅 新稅 二、八八〇、〇〇
舊稅 一、三八八、五〇

計徵豬每頭七角者一千四百五十二頭每頭三元者五千五百五十一頭羊每頭一元者二伯五十六頭自七月一日豬每頭三元百分之二十二解庫者七千五百六十七頭羊四伯四十四頭

古者重民數聖人式負版善為政者罔不加意於戶口然典册所

食貨 戶口 十一

陳有未可盡信者自丁并於地編審不行前朝地方所報特約計焉已耳力役交征人情工於趨避以多報少時則有之計口買鹽宜無不實然尙有甘於淡食而不造册者亦有必不淡食而不造册者必不淡食者蓋其力足以致鹽甘於淡食者以既得買鹽之利保甲一切之費皆取給焉欲周知民衆之確數未易言也

附戶口表

萬載縣保甲戶口簡明統計表

區別	鄉鎮數	保數	甲數	戶數	男丁數	女口數	總數	壯丁數	備攷
----	-----	----	----	----	-----	-----	----	-----	----

第一區	七	六一	六三	八五	九八五	三四五	六三六	三五七	
-----	---	----	----	----	-----	-----	-----	-----	--

第二區	五	三三	三〇	七四	四五〇	二九八	三三四	四四三	四六八
-----	---	----	----	----	-----	-----	-----	-----	-----

第三區	四	五六	四〇	六五	七〇	二五〇	三九〇	四四〇	四六二
-----	---	----	----	----	----	-----	-----	-----	-----

第四區	六	四〇	三〇	四九	五〇	二四〇	三三〇	四七〇	三五七
-----	---	----	----	----	----	-----	-----	-----	-----

第五區	四	二八	三〇	七五	六六	二二〇	三三〇	四九〇	三五七
-----	---	----	----	----	----	-----	-----	-----	-----

合計	二六	三二八	三二二	二九五	三三	二二九九	二九九三	二二二二	二四九九
----	----	-----	-----	-----	----	------	------	------	------

人禍莫亟於刀兵羣雄並起盜賊紛乘則四分五裂之慘也內憂初弭外患踵至則九夷八蠻之逼也雖以神武不世出之主篤生其間未能戢干戈而不用事定而溯初起豈獨江東八千之無一

存者哉然而殺人之具刀兵進而礮火矣震盪則天崩地坼近密則急雨飄風愈出愈奇愈新愈毒未若今日之破空而來烈於電雷也由今日而上溯二十七年八月縣市之被害於上空者後先八次死亡多少禍患重輕不一其地亦不一其時率皆無辜而死男八十八人女三十四人共一百二十二人受傷男一百七十人女五十五人共二百二十五人生聚止有此數而殘殺若從天降加以前敵之壯烈犧牲後方之流離轉徙以視民初十損二三未之或已縣市自坵城以還聞警狂奔所向空濶而亦尙有今日之劫也朝饗未竟大聲來自西南非六鷓之過宋而三匝之繞樹奮如秋隼激若夏雷瓦礫皆飛牆屋卒倒死亡相枕藉殘肢斷體剖

腹穿腸蓋粉而僅存牙齒剝削而止剩顱骨可謂極人禍之至酷任如何刀兵不足喻其殘毒也最可憐者則土窟語人震倒被壓活人尙多急掘之警急又報移時復掘則已出者皆死統計炸彈二十六枚死亡二十八人重傷二十五人毀房屋四十一處天災人禍相逼而來戶口之銷耗未知其何日底也十月初二日記今日之戶口視民初十減二三而一年以來工價之增進十數倍矣二十八年之短工日計一千文以幣值七千二百計不足二角今增至四五角矣縫工日計之二角今增至五六角其他百工可以類推距辛未修志年閱七十當時短工以日計三十三文三日百文舊習以九十九文爲一百以九百八十四文爲一千如袁州

則九百七十文南昌則九百五十文亦有以十足核算者習慣買穀補底買田補底通爲九百九十文亦考求故實者所不可不知也

古者行不賫糧曩時塞外猶有此風清自三藩戡定而後至於嘉道吏修其職民安其業秀才無多人大率敦品力學貧士教書束脩三四十千文事畜有資思不出位所貴確守卧碑也小試三年兩考行旅之費以次計之三千文足矣袁州多有試館計日而食共三十四文減半則十七文旅行碗記每碗十文投宿稿鋪三文豆腐九文照日計算不過百一二十文轎錢株潭至縣三百六十文至袁州五百文並給飯食兩頓加百數十文止矣今日縣至株

潭轎錢費增至七八元并計飯在十餘元昔之縣志於風俗土產幾無不詳析登載至於明末清初之故以及民間之生活行旅之往來與常二公之稟耐人尋思此外鮮有能言之者時代升降不禁辭費矣

順治十三年戶玖千陸百陸拾伍口伍萬壹千玖百柒拾肆內計人丁玖千壹百伍拾捌每丁編銀玖分伍釐柒毫叁絲陸忽柒微肆纖汪志誤計編銀捌百柒拾陸兩柒錢伍分柒釐壹毫府志賦役全書下並同優免人丁伍百柒丁每丁編銀肆分捌釐叁毫壹絲伍忽玖微貳纖計編銀貳拾肆兩肆錢玖分陸釐貳毫婦女肆萬貳千叁百玖口例不派徵

原編起存各款銀玖百壹兩叁錢伍分叁釐叁毫順治十四年奉
文補徵免外扣解不准紳衿優免丁銀壹拾陸兩柒錢伍分捌釐
陸毫康熙二年戶照舊口新增壹拾八年戶新增壹拾口照舊
二十二年人丁照舊五十年見在男婦共伍萬貳千柒丁口內
男丁玖千陸百玖拾柒丁除優免丁伍百柒丁外見在入丁玖千壹百玖拾
丁舊志

計新增人丁叁拾貳丁該增銀叁兩陸分叁釐伍毫賦役全書
見在婦女肆萬貳千叁百壹拾口計增壹口
計共人丁銀玖百貳拾壹兩柒分伍釐結少壹錢

康熙五十二年欽奉恩詔以五十年丁冊定爲常額續生人丁永
不加賦

雍正五年丁歸地納攤派通省均勻帶徵增徵丁銀壹千柒拾貳
兩壹錢捌分伍毫壹絲貳忽伍微署撫邁柱奏每糧壹兩加派丁銀壹錢
伍釐叁毫貳絲貳忽壹纖肆沙陸塵壹埃肆渺萬載攤丁銀壹千玖百玖拾叁兩
貳錢伍分伍釐伍毫壹絲貳忽伍微除原額外計增別縣丁銀得此數舊志誤載
府志未詳特核定補正十年奉文新增陞科丁銀壹百伍拾貳兩肆
分貳釐伍毫因各縣奉文陞科於萬載新陞科內又加攤丁銀也又奉文攤
減貳拾捌兩柒錢叁分陸釐叁毫因各縣陞科有贏於萬載加攤內攤免
此數本縣舊志十二年起至乾隆十七年奉文除減仍攤增肆拾
玖兩玖錢壹分伍釐陸毫捌絲柒忽伍微二十二年攤減伍錢

陸分貳釐壹毫本陳志 乾隆二十七年至五十七年除減仍攤增
叁兩捌錢叁分捌釐陸毫本全書陳志合輯 嘉慶二年攤增捌分

玖釐 七年攤減捌分叁釐 十一年攤增肆分壹釐玖毫 十

七年攤增伍錢貳分肆釐貳毫 二十二年攤增陸錢陸釐 道

光二年攤增叁錢伍分肆釐 自道光二年至二十三年止共攤

增壹兩玖錢壹分貳釐

共計攤增丁銀壹千貳百伍拾貳兩壹錢貳分叁釐并原額玖百

貳拾壹兩柒分伍釐實徵銀貳千壹百柒拾叁兩壹錢玖分捌釐

仍俟五年將陞減各仍照例均攤

舊按萬載丁銀向歸糧納雍正五年署撫邁以通省之丁均派通

省之糧萬載糧額本重攤丁因之愈多除額徵丁銀外陸續增至

一千二百五十兩有零積困之區又代他邑受瘠舊志所以望回

天之勸牧也雍正間經知縣施繕冊詳覆事雖無成愛民之心未

可或歎焉其文曰查得丁歸地納一案實屬各上憲仰體仁慈矜恤窮黎之至

意在富室紳衿一歲所增無幾而窮屋貧民終身戴德靡涯真善政可垂萬世

而洪恩永照千秋也但各屬徭賦不一須以一縣之丁銀加於一縣之地賦則

糧無增減科則畫一庶貧富不虧歷久無弊今捧讀藩憲議令照依直隸等省

例以通省丁銀攤入通省地賦每兩應加銀一錢一分四釐零已屬至公而撫

憲以未便止據一縣定議之批益加明允即如卑職額徵地銀一萬八千六百

餘兩丁銀九百二十兩零以萬之丁銀核萬之地賦每兩止加銀四分有零若

與通省均攤則常賦之外又每兩加增銀七分有零矣且萬載丁銀久經隨地併徵豈非另款牙收相沿日久一旦加增似難免有偏累但事關通省善政卑職不敢擅議可否合將萬載丁攤地賦數目詳覆憲臺酌核轉詳爲此備由繕同書冊具申伏乞照詳施行

自康熙五十五年起至乾隆三十六年各屆編審除新收抵補開除外實共滋生人丁叁千捌百伍拾伍丁婦女玖百玖拾捌口俱遵恩詔永不加賦其婦女於乾隆十一年人丁於三十七年先後奉文停止編審全書

乾隆六十年土客戶貳萬伍千柒百玖拾陸口壹拾捌萬柒千叁百叁拾叁內土著戶貳萬伍千壹百貳拾陸口壹拾捌萬伍千肆百伍拾叁客籍戶陸百柒拾口壹千捌百捌拾

嘉慶二十五年戶叁萬捌百捌拾陸口壹拾玖萬叁千玖百壹拾道光三年戶叁萬玖百貳拾貳口壹拾玖萬伍千叁百柒拾玖以上俱縣冊

宋大中祥符開戶壹萬貳千柒百伍拾肆口叁萬叁千肆百壹拾叁李志

按汪志少壹口嘉定勝志至戶叁千捌百壹拾壹計丁口捌千貳百叁拾壹客戶捌千玖百肆拾叁計丁口壹萬壹千壹百陸拾叁實少口壹萬肆千壹拾玖膳疑寫有悞今從李志

嘉定十三年主戶壹萬伍千玖百伍拾柒計丁口叁萬叁百貳拾

陸客戶壹萬伍千貳百陸拾陸計丁口壹萬柒千柒百伍拾貳嘉定志

元世祖第四幹耳朵江南戶鈔大德十年分撥袁州府萬載縣貳萬玖千柒百伍拾戶計鈔壹千壹百玖拾錠元史歲賜志

必閣赤江南戶鈔至元二十一年分撥袁州府萬載縣叁千戶計鈔壹百貳拾錠同上

按元制后妃所居曰幹耳朵見后妃表猶漢語帳房也為天子主文史者曰必閣赤見兵衛志蓋后妃勲臣皆有食采分地此其歲賜之數故曰撥元戶口無可考於此猶得其約畧而戶鈔之制亦可參稽故特採焉

明洪武九年軍民匠戶壹萬叁千叁拾叁丁陸萬貳千軍戶壹千伍百捌拾伍丁口伍千貳百肆民匠戶壹萬壹千肆百肆拾捌丁口伍萬陸千柒百玖拾陸圖志二十四年戶壹萬伍千玖百玖拾捌口玖萬伍千柒百捌拾壹府縣志永樂二年人戶壹萬伍千貳百伍拾陸丁口玖萬陸千捌百貳圖志十年戶壹萬伍千壹百伍拾口玖萬柒千肆百捌拾宏治十五年戶壹萬叁千捌拾口捌萬肆千陸百貳拾柒正德間數同宏治嘉靖二十一年戶壹萬叁千壹百壹拾壹口捌萬肆千柒百貳拾隆慶三年戶壹萬叁千壹百壹拾伍口肆萬貳千肆百伍拾陸舊志府志漏載萬曆四十年戶玖千陸百陸拾伍口肆萬貳千叁百玖府縣志新

府志火一口 崇禎九年戶原缺口伍萬壹千玖百柒拾肆內人丁
玖千陸百陸拾伍計除優免肆百伍拾陸實編人丁玖千貳百玖
傳志

舊按民數之登昉於三代役其身不稅其身自漢高始賦戶口於
是民年十五算出口賦二十傳給徭役稅之且役之馬氏所以致
嘅也晉宋以下代有增益至明末而民益困夫戶口爲國計之本
事所自出王伯厚所謂分田里令貢賦起田役作軍旅國以建典
家以立度論良麗矣故卽蕞爾小邑觀戶口之盛衰卽可徵朝政
之得失縣自吳晉而後民數統於豫章別無分紀宋太祖建隆初
升降天下縣望四千百以上爲望三千戶以上爲繁萬爲繁縣則

宋初戶籍不過三千以上至嘉定間戶至三萬一千有餘宋之休
養可知明洪武初丁口較宋更盛則雖經元末喪亂民氣尙未傷
夷及永樂時戶減而口畧增宏治正德間號稱極盛較洪武初已
多不逮至隆慶間口減半而戶反增於宏治萬曆時戶減四十而
口乃與隆慶埒蓋征斂旣苛盛則隱匿以相避其弊在民衰則虛
報以取盈其弊在官按舊志編之前代得失如觀矣今幸際昇平
休養生息滋生人丁永不加賦登民數者無成數之拘亦無漏報
之弊閭閻充實安所樂生豈不懿歟

又按舊志附載新增棚民男婦一百五十五丁口該徵銀一十一
兩三分八釐七毫康熙十三年棚民朱益吾倡亂詳請禁旅勦平

餘黨就撫各散歸籍無徵其說殊未明晰查雍正三年江督查題准棚民子弟應試雍正八年萬載棚童取錄三名以五十名取進一名推之棚童已逾一百五十名則棚民之多可知所謂男婦一百五十五丁口殆順治十三年巡撫郎疏請編造入籍之數至朱黨就撫所謂各散歸籍蓋專指逆黨非統論棚民也不然題准方閱六年應試年分合例者安有百數十名之多具爲康熙時已奉文招徠另歸棚籍又可知至此項丁銀係因朱黨勦滅逃亡康熙二十二年撫院佟題准減除取其銀數欵項清冊申繳在案具詳宜春志因舊志紀載未晰故附識其畧

鹽爲日食之需與米並急一日不可無米卽一日不可無鹽然米自農作鹽從外來萬載向食淮鹽斤以錢計不過百又卽近年斤以幣計亦不過二角舟行無阻源源而來固不虞其淡食也兩載以還淮鹽路塞而轉行浙鹽道里紆回艱於輸運政府且爲節制之舉萬載月額三千二百擔旣減爲二千二百擔令商人組織運銷處以操縱之計口授食初時每人日食四錢隨減而三錢牙鄉分保分甲照戶口給票執票買鹽始焉一斤法幣五角隨加爲五角八分隨稅加價以至九角浙來不及益之以閩運入日艱賣出日繁吉凶之禮視口食之值不啻倍之非是則通融者弊而所謂餘鹽者視計口之值又倍之此其大較也

萬載向隸洪州唐時食常平鹽宋代割屬袁州食泰州海陵鹽如
皋倉小海場鹽熙寧間周輔天措置江西鹽法均准鹽六百一十
六萬斤於洪吉筠袁等處而縣食鹽額舊志無徵惟鹽米四千餘
石見於嘉定志所謂人戶所納同常賦者也元時縣食淮鹽如故
明初計口食鹽歲納米八升官支與食鹽三斤後鹽不給支歲仍
納米天順七年奉戶部江字號勘合始改折鈔於丁口內帶徵半
解南京半存司庫支放官軍折鈔等項之用縣之鹽鈔始有可考
然亦間食廣鹽正德六年總制江西都御史陳金許廣鹽得下袁
臨吉三府發賣立廠監掣以助軍餉正德十二年王守仁援陳金
事例許鹽商於三府販賣每十引抽一引見陽明文集蓋納鈔歸於
丁口鹽須另價食准食廣其致一也

清朝定淮鹽之額歲銷有常縣官督銷每年小販赴省承買商給
水程護票回縣投驗發賣如期縣將水程造冊繳報鹽道另造清
冊同商領兩淮引目截角裝篋解赴鹽院奏銷而鹽鈔一項計口
以定編入地糧帶徵其起存銀數額銷鹽引食鹽人口謹依通志
府志舊志及賦役全書攷錄如左

起存銀數原額戶口鹽鈔起運存留額編銀壹百伍拾兩肆錢捌
分叁釐肆毫遇閏加銀陸兩貳錢柒分貳毫脚耗銀壹兩柒錢叁分陸
毫遇閏加銀壹錢肆分肆釐貳毫內起運南京庫銀柒拾伍兩貳錢肆
分貳釐柒毫遇閏照加

存留解府庫銀柴拾伍兩貳錢肆分貳釐柒毫遇閏照加

舊按此明制也原歸戶口帶徵嗣入一條鞭內起解清朝併入改抵兵餉欵內坐解本府支放袁營兵餉續歸入地糧一體解司

額銷鹽引

額銷准鹽叁千伍百玖拾捌引萬載鹽每引肆拾柒包肆分肆釐捌毫貳絲柒忽每包連包索租稱重柒斤肆兩共額銷鹽拾柒萬柒百壹拾捌包本通志舊按萬載鹽引明制額派肆千陸拾貳引後以地曠人稀減至貳千伍百引每引陸拾貳包共拾伍萬伍千包後增派爲三千餘引又改爲配鹽肆拾柒包零舊志缺載姑錄羣志引包數目於此以備稽考至縣之課引向無缺額楮樹潭埠等市行銷最暢又無官

價之累惟省鹽立倉以來開輪每不以時水販多守候之苦而宜分瀏陽之越境販售者復難查禁價增引滯弊實由此

原額食鹽課肆萬貳千叁百玖口 康熙五十五年至雍正九年共新增食鹽課柒拾伍口舊志

舊按計口食鹽本定鈔初制自口之所出均徵於田而引額有定又不虞於滯銷婦女之計幾等具文况乾隆十一年婦女編審又經奉文停止故雍正十年以後婦女口數概附人丁之下不復輯錄

順治十年題准開除荒蕪入官水推沙塞田地塘錢糧貳千肆百捌拾玖兩壹錢玖分伍釐按此款內除節年墊補仍有開除荒蕪銀

順治十一年題准清汰浮糧減夏稅秋糧共減糧差加增等銀壹萬柒千伍百陸拾柒兩壹錢陸分捌釐壹毫伍絲本全書補

康熙十七年恩旨蠲免十六年以前錢糧一次採常維楨詳文補

康熙二十七年恩旨蠲免地丁錢糧一次采廣信志補

康熙三十一年恩旨蠲免漕糧萬載屯租兵折減徵米廣信志補

康熙四十五年恩旨蠲免四十三年以前未完地丁錢糧一次採

吉安廣信府志補輯

康熙五十一年恩旨免錢糧一次萬載縣地丁銀於五十二年全免

康熙五十六年恩旨蠲免帶徵地丁屯衛銀一次

雍正八年恩諭蠲免錢糧一次萬載縣額徵錢糧於辛亥年蠲免

乾隆十年恩諭普免錢糧一次萬載地丁銀於十二年全免

乾隆三十一年恩旨蠲免糧米萬載屯租兵折於三十四年減三

徵七

乾隆三十五年恩諭普免錢糧一次萬載地丁銀於三十六年全

免

乾隆四十二年恩諭普免錢糧一次萬載縣地丁銀於四十四年

全免

乾隆四十七年恩旨蠲免漕糧一次萬載屯租兵折於四十八年

減三徵七

乾隆五十五年恩諭普免地丁錢糧一次萬載地丁於五十七年全免

乾隆五十九年恩諭蠲免漕糧一次萬載屯租兵折於六十年減

乾隆六十年恩諭普免地丁錢糧一次萬載地丁於嘉慶三年全免

嘉慶四年恩旨蠲免漕糧萬載屯租兵折於四年分減三徵七

嘉慶七年田畝被旱知縣來珩詳報奉恩諭將萬載地丁錢糧屯田餘租緩至來年秋後徵收以上並縣案

舊按嘉慶五年及二十四年疊奉恩諭豁免節年民欠萬載錢糧年清年款並無逋欠節次申明有案

道光十一年田畝被水知縣龔士範詳報奉恩准緩征地丁錢糧銀伍百陸拾叁兩陸錢叁分陸釐俟來年秋收後分作兩年帶徵道光十五年田畝被旱知縣龔詳報奉恩准緩征民屯各地丁餘租銀共貳千陸百陸拾肆兩伍錢叁分貳釐俟來年秋收後分作兩年帶徵十六年復旱題准遞緩二年

道光二十五年旱知縣崔登鼈詳報奉恩准豁免積欠魚油正耗銀玖拾玖兩貳錢壹分叁釐壹毫

咸豐五年粵匪踞城六年克復知縣李吉言詳報奉恩准將五年地丁錢糧免半其緩徵一半分作八九年帶徵

萬載縣志卷四之三
光緒元年豁免以前錢糧

光緒十年豁免錢糧

民國元年共和告成豁免

宣統二年以前錢糧

此後亦有豁免未詳年限

民國十九二十及二十一二年山內幾無居人其未經匪化者率皆逃避田被分割稅無從出

萬載縣志卷四之三

食貨

土產表 錢幣論

力役

商業商會表

農工會

合作社

萬載之富基於土產以上土產成土貨通行長江海上者莫如表紙而原質基於竹爆竹亦土貨大宗而原質多屬之紙山林時加護持是培養富源之一法前志泛稱土產意無專注則先後時之趨勢不能一概論與合之夏布為大宗田禾減收足以補其不足山縣無他厚利曾不以貧窶告則所獲不少也夫材惟善養竹自成林種數十百竿以為母積之十數年涓川千畝輸其繁茂則善養之得人無少戕害官有禁令紳為扶持土貨日益故良外貨即亦

不須抵制也苦旱關天時補救亟宜盡人事爆竹之工不分婦孺以至於殘廢而苦力得活不迫於成本而獲利較多表紙成本稍厚夏布女工多可以補男人之缺野無曠土居無閒民復設法以資遷之繁盛可計日待所望良司牧董率正紳不徒粉飾之爲務財訓農通商惠工敬教勸學授方任能於以復承平之治不難也
十月十五日

民生工廠創辦於民國二十五年秋張薌甫任內由縣就地地方公款項下撥三千元爲基金純係官辦以救濟失業窮民出品有土布與毛巾簾器之類行銷縣境不太發展改良紙業始於民國二十七年春由縣長張薌甫督郭廻瀾龍濟海辛植柏張仰道發起

集資仿造白貢紙重紙毛邊紙統名熟料紙多種頗以應時代需求初設模範造紙廠於仙源繼而聞風興起高村水棚下官元山各處共設槽數十計全縣每年可產紙千餘担俱銷瀏陽積極推廣土貨日優外來自緬開富源而塞漏卮莫急於此
萬載土產三大宗紙爲最夏布之麻多自平江及分宜之桑林爆竹之硝磺率從湖南輸入獨紙之原料資於本境天然之竹而有深山淺山之分內山外山之別當年背年之不同淺山之竹多製器用卽生筍亦不甚分年非必重巒疊嶂如攷江黃茅一帶之深峻也淺山間一造紙散裝者便製爆竹其捆紮成擔者亦能運銷各埠內山則距市廛較遠如高村西坑等處以下則爲外山內外

深淺以遠近異名紙之原料約同凡屬當年生筍如蘆千畝萬竿一望無際背年殊寥寥節屆春分筍初出土清明則先後爭長大小齊發其不能成竹者以長之遲速斷定生枯穀雨則悉行鋤去連山覺香燒以餉耕者卽此其時活筍則生氣盎然其長甚速夏初解箨抽筋小滿前悉行砍倒山主量疏密以留種故有當年背年則一筍不留砍下之竹名曰竹筴積以成堆稍久其箭自落然後劈開成段約五六尺分層入宕一層竹筴一層石灰宕滿以清水灌浸一二月後取出洗淨將原水放出竹筴還宕又以清水浸之名曰漂水經十餘日將水放盡竹無水浸易於發熱名曰燒箱燒過之後復以清水浸之約經一月遂發黑水則紙料成矣器

用之竹重外青而棄內黃造紙之竹則重內黃而輕外青內黃以足踏爛外青須用碓舂爛和入內黃其不用外青者名曰盡料價有高低料既粉碎分別傾入槽中採取根葉煮成膠汁多少適宜掇簾成紙層疊百數十重復用麻繩束木絞乾分張取而焙之以三十六張爲一把有以一百五十把或一百六十把爲一擔者成紙一張手續甚繁各有師承例須學習散裝則不須再捆裝擔加印曰頭印二印大別此通行各埠之紙名曰表芯民二十六七年間進而改良名曰白紙又名熟料紙砍劈與表芯同清水浸月餘洗淨曝乾如絲復浸加石灰醃透復滌之蒸熟用鹼化爲原料入槽和膠之法畧同其掇簾須兩人手續亦繁學而後能薄者曰放

筐曰毛邊厚者曰重紙曰報紙將原料漂白成厚紙曰頭貢曰二貢萬載山多田少人口眾多兩季之稻加以雜糧全收尙可支持或旱或蟲不免艱食所恃以爲生活者爆則老弱殘廢可以分手爲之夏布之紗線盡屬女工而織成亦率男爲紙工則用壯夫若山林伏莽清修竹培養厚一切防護之法到處有禁犯不遵禁到官重懲是萬載百世之利也

夏布第一爲麻愈嫩愈好揀盡黃黑點女工排成一片與織簾畧同用黃牛屎水浸透復用清水洗淨鋪於草坪上愈早愈好時時以水澆之日光當午會晒死色未午卽收回於背日處風乾如此者數次其麻鮮艷奪目本地麻名曰家園比外來者好仍不多得

卽時將排成片段拆開用五指圍一小圈績時清水浸透最好年輕婦女免炊爨者相宜稍粗之紗則老年婦女亦多爲之紗成纒作繭樣織工多用男人初時名曰經紗隨而絲絲入扣於陰涼地放開以極細白米漿刷之織時復須時時刷水霜風起須避入土洞以防燥斷織機與織棉紗者畧有異同布成售出以精粗定價之高低濶幅狹幅價復不同運銷各埠分別成捲狹幅有七五捲七百五十尺計十四疋淨白頭一千五百尺內黃布五百尺配捲計長一千五百尺配合而成不計疋數濶幅則有中捲十六疋內白頭三疋七五捲黃布十五疋七百五十尺又天尖捲十疋內白頭三疋土產與商業相爲表裏者也縣境崇山疊嶂修竹成林時

當初夏筍將成竹芟之暴之浸之紙之原料出蓋經十數番之手而成其最者爲頭印一曰裝擔其次爲二印又其次爲大剔小剔一曰散裝則以供本地之用而爆竹之原料竹之利該此矣至如平淺之山則宜植茶樹取子以榨油樹不甚高有大中小子之別凡成片段者年於七八月刻去柴草俟其自落而掃之山林錯雜則於寒露節摘取匪亂以後業主無權先寒露三四日卽應自行採摘我往人隨之乘間竊取視爲固然此等敝俗急宜禁絕山材之利可以與田功爭長矣老農以茶樹譬人初植孩提也將子長成也繁盛則強壯至五六七八十年老矣古人言樹藝者曰桑麻齊魯千畝資之貨殖成都八百傳爲美談縣境少桑麻亦不足於

用夏布原料來自宜春分宜平江者幾達本地之半縣中當物產極盛一年輸入達四百萬元夏布之苧麻爆竹之硝磺需用外品不過十之一二其大利在出產亦在手工窮鄉僻壤鮮見凍餒之人蓋土產足供土貨之用自食其力者多也今則深山鮮居民或付之一炬而彌望焦枯淺山縱尋斧或末由究詰近年輸出之貨不及百萬亂離之後十室十空城廂市集稍見繁盛遠鄉村落煙火蕭疎瘡痍滿目良有司巡行所及挽回補救沃其枝葉孰若培其本根與此稿成於二十五年而紙業已分作毛邊一名重紙今志排印因而用之是不貴異物之意而廣爲流通之義也科學萌芽此其一端尙有必應改良者如白水源頭衝之磁白水光潔盛源頭衝而性質較燥以今視四五十年前優

劣已成倍徙徐圖改良以退踪萍鄉醴陵不難也食物白水百合粉晶勻光潔而味清腴流通大埠將為奇品爆竹夏布亦應有改良時是在研究科學者八月病起記

花爆爲萬載出產三大宗之一製造不知確始何時髫齡讀千家詩爆竹聲中一歲除謂是起於李畋株潭爆業崇祠廟買田產以祀之示不忘也迄於清季而銷路日廣以地段計有贛莊浙莊省莊漢莊廣莊之別以紙之長短厚薄計有對裁三裁四裁五裁九裁之分銷贛州廣東者多四裁五裁銷浙江漢口者多對裁銷本省者多九裁其中又有平邊立邊俗云頓邊省莊多平邊廣浙莊多立邊廣浙莊出縣屬之株潭民國七八年來銷於浙者年以三

萬箱計每箱約值銀二十圓銷於粵之佛山鎮者年以五萬箱計每箱值銀二十五圓銷於贛州者年以萬箱計每箱約值銀二十圓銷於漢口饒州者則爲數甚少銷於省垣者年以萬箱計每箱約值銀二十圓而廣莊牌名多假瀏陽以初運廣莊者多係瀏商故萬爆亦遂假名瀏爆若夏布之初在瀏陽成捆稱瀏陽夏布今則無不稱萬載夏布久假而真乃見也爆工甚瑣細硝磺引線本紙色紙成於他人而資以製造開紙截紙擦筒糊筒截筒修筒箍筒護筒封筒開筒以至於蓄硝洗硝合硝舂硝或磨硝晒硝或炒硝進而打土裝硝塞土緊箍鑽孔裁引鬆箍扎引結邊混合而成約畧言之不勝枚舉大率經數十百番之手而始成惟開紙須壯

夫用力其他則老可為弱可為聾聵殘疾無不可為只要工本不虧人皆食力曩年鴉片禁絕爆竹暢銷晝無乞丐夜無偷兒竹樹圍村菜蔬滿徑是株潭迄慈化之民一大生活抑商賈致富之基也

穀之屬 六十日占一名蟬鳴稻一名枚公饑 八十日占俗呼大暑早

雷公占抽穗速而熟最早故名 百日占俗呼贛州早 湖雞早農政全

書謂之勝紅蓮 鹿見愁俗名鬚占宜山田 鐵梗占性耐寒 紅米占

春煮之作桃花色香柔而甘晚稻上品 種禾穀有紅白二種嘉慶初來自關

廣早禾耘畢就行間蒔之刈去早禾乃糞而鋤埋焉 香稻赤芒白粒宜隰出

禮山藍田收最薄 二禾穀即再熟稻白臘大暑蒔霜降收早者各三夜齊

山禾一名早稻粒大而香耐旱土人於畚地種之 秋風糯俗名早糯粒圓

白稈黃大暑可刈不宜釀 粳糯俗呼黑節糯早遲二種稈白粒大尤軟美

童子糯即矮糯粒長宜釀出荷嶺禮山壽塘尤佳 鄱陽糯即小娘糯不耐

風溼四月種八月熟 蕎麥莢也 蘆粟即高粱 白梁芑也 黃梁

藪也 狗尾粟形如狗尾歲再熟 鴨脚粟穗如鴨掌可釀酒 占粟一

名小米粒壯不黏 糯粟一名糯秫粒細而黏 苞粟即玉米 黃豆一

名高脚黃有大小二種 黑豆有早晚二種 綠豆歲可再種 芒花豆

大暑後種 白豆俗名飯豆有早晚二種 山背豆苗延田塹穀雨種秋分

收 茶殼豆殼如茶色粒大而圓 八月爆清明種白露收故名 禾兜

豆山田不能蒔二禾就禾兜下種之 蠶豆 豌豆麻白二種

附 芝麻有黃白黑三種土人偶於畚地種之

泉之屬 苧一歲三刈出白茅冲者良 火麻 葛

蔬之屬 芥有紫白二種 菘肥大者名牛肚菘 蕓薹俗呼油菜詳風俗

蒼蓬 芹有水旱兩種 莧有赤白二種冬生者名冬莧菜形味各別又有

馬齒莧 茄有青紫白三種 苦蕒 芡莢出湖仙塘者良亦最早四月

即可食 蘿蔔產多江者尤肥脆 菠菜 蕪菜有川蕪藤蕪子蕪三種

同蒿 蒿蕒一名蒿豈有紫白二種

塊莖之屬 芋旱芋山地種之水芋水田蒔之

薯蕷有紅白二種 甘藷一名番藷 百合 蕨

薺之屬 薑新芽曰子薑復種曰母薑 秦椒俗呼辣椒一種結實向上

名向天椒 葱有小葱大葱四季葱三種 大蒜 薑 韭 薤 芹

蔬之屬 冬瓜作東者誤寇宗師本草衍義嘗辨之 西瓜 南瓜一名

香瓜 稍瓜一名地黃瓜 絲瓜一名線瓜 芳瓜即王瓜 苦瓜

牛腿瓠 壺盧長者名瓠圓者名葫盧皆可食老者備器用

果之屬 梅 桃有早禾播官遲禾數種 李與麥同熟俗稱麥李出湖上

尤夥 梨三區產者甘脆無滓 棗有米棗酸棗二種俱劣甚 栗有大栗

旋栗茅栗三種 橘較洞庭所產特小 柑別一種名四季柑尤香烈

香橙 柚條也 櫻桃 山查較此種具體而微止堪入藥 楊梅有紅

白紫三種 石榴 木瓜 葡萄 金橘近三十年始有 藕出九仙

塘荷花塘者勝 甘蔗產大畚埔者良 落花生出湖源埔者良

木之屬 松各鄉成林歲取為薪 柏 樟 豫一名烏樟 桑 柘
 杉有赤白二種蒔宜山窠深處出三六區者尤修偉 椿婦女以鹽漬曝乾備
 茶湯 梧桐土人多於齋館種之 油桐三月開花實如核桃七八月榨油
 所產不多 楮實小圓珠實大苦珠 梓似桐葉小花紫 楓 荆對節生
 葉荒坂洲渚皆有之 女貞俗呼蠟樹 皂一名皂莢 栝櫚俗名棕
 槐 黃楊土人多植於磁盆為齋館玩 櫟柞類土人取燒為炭亦有磨粉
 作腐者 漆 柯別一種名邊楓柯同木各枝葉則兩樣 穀桑皮可作紙
 汁可代膠 山茶遍植山谷高者一二丈十月開花隔年九月採核榨油謂
 之清油寒露摘者為珍珠子霜降摘者為樟州子 柳城鄉柳多楊火然皆樅
 之為玩不以製器 烏柏十月採子榨取白油為蠟燭謂之木油

柞一名鑿木 檜

竹之屬 貓竹一名茅竹大可編屋嫩作紙黃惟四六區最盛 筍竹筍
 美根多土人多剖剖製器亦可刺船 苦竹夏生筍味苦 篁竹堅而促節
 體圓皮白大者刺船小者為笛 慈竹深秋生筍隔年成竹高數丈梢甚柔小
 如釣竿又名絲竹 紫竹筍味苦幹小色紫宜傘柄簫笛用 方竹四面平
 整如削堅勁可為杖 斑竹筍味美幹有點帶若湘妃竹 箭竹高不過丈
 節疎肉厚堅勁如矢 筋竹長二丈許圍數寸至堅 義竹筍叢生節間二
 三尺 煙竹四月生筍味佳 實竹外強中堅可為筆管 箬竹莖小如
 指葉大如屨作蓬笠及裹粽皆用之 白竹可為簞 黃柑竹色黃竿小節
 密土人取為煙管 鳳尾竹低叢細葉可供清玩 淡竹亦名筍竹漚竹葉

皆入藥 觀音竹幹似笙竹節中有赤量隱隱如觀音像 茨竹大如指長逾二丈節節生枝以植宅旁代墻垣雖雞犬不能踰陰森柔嫩綠潤如沃

花之屬 梅花 臘梅 牡丹 芍藥 瑞香 高者三四尺許花紫色如丁香 辛夷有紅白二種 海棠有春秋及四季各種 玫瑰花

桃花別一種深色重臺各絳桃又有碧桃夾竹桃 山丹一葉百蕊狀如繡

毬四時開為四季丹 木槿 杜鵑一名映山紅有紅黃白三種 葵又名子午蓮別有一種名秋葵 七姊妹一枝數朵相簇各色不同 荷花有

紅白各色重臺並頭各種 月月紅即月季花 石榴花 剪秋羅

金錢花色紫而圓落必於夜 玉簪花紫白二種可入藥 繡毬花

梔子花 蕙一幹數花有黃白紅三種 桂花有黃白紅三色四季花者名

月桂 山蘭有淺碧深紅紫黑白各種藍色尤難得 建蘭來自閩嶺一歲

兩花素心者尤貴 珍珠蘭一名魚子蘭 芙蓉花一名木芙蓉有紅白諸

色 護草花俗名金針 菊花種類甚多 茶花俗呼洋茶種類不一城

中最盛 雞冠花有黃白紫數種鴛鴦壽星掃帚等名 紫荊花 老少

年一名鴈來紅 棠棣花 鳳仙花 紫薇花有朱紫二種 海欖花

色黃叢生 蕉蘭一名美人蕉

草之屬 龍鬚草一名縉雲草可為蓆 鳳尾蕉木本有合數圍高丈餘

者 菖蒲 艾 芭蕉 虎耳草 菸草春種秋取梢頭數葉尤佳名

蓋露俗謂之頭菸 藜宜為帚實最繁 茅叢生有黃白二種葉長三四尺

土人刈以覆屋 藍有大藍小藍槐藍三種皆可作靛所產不多 蒲

十

苔有地苔石苔樹苔水苔唇苔五種 萍一名漂 吉祥草似蘭而疎秀不

常開花花開則家有吉慶事

藥之屬 茯苓 半夏 赤芍 五加皮五葉者火 寄生各樹有

之 金銀花 桑白皮 白芨 香附 香薷 枸杞 荆芥

何首烏 香木瓜 金櫻子土人多取熬膏 蛇床子 瓜蒌

薄荷 紫蘇 益母草 骨碎補俗名上樹薑以楓樹者佳 貫眾

車前草 石菖蒲 土人參形似遼參而力薄土人間於家園種之

毛之屬 牛 羊土人所畜皆山羊 豕 犬 貓 兔人家間畜之

山中特少 麕山深處間有之 獺有水獺山獺二種 麂 獾似狗而矮

皮可為裘俗呼獾狗也 虎狸斑如狸豹方口銳頭食果實俗呼果子狸

野貓 大小似狐斑如貓善竊雞鴨 鼠 黃鼠似犬而足短皮毛價昂

羽之屬 雞闍者肥 鴨牧者千百成羣害稼各鄉有禁 番鴨雞冠鴨

身特別大 鴉有蒼白二色土人納采者以一雙代雁 雉一種頭有二毛長

三四寸如角俗呼角雞 鳧俗呼番鴨 燕 鴿 慈烏俗呼老鴉黑色

鴉似燕烏而大 鵲俗呼喜鵲 鷺鷥 鷗 雀有五雀雀黃雀各種

黃雀善鬪出竹山洞者尤健 鵝 鸕鶿沙潭人畜之 鳩一名布穀小

者名斑鳩 畫眉似鶯而小黃黑色其眉如畫善鳴能鬪 山和尚類山喜

鵲午日剪舌能人語 白頭翁形似鵲頭白身灰黑 鶯 竹雞

禾雞藏禾叢中似雞而小啼聲悲切 翡翠 鶻鶻尖尾長喙青灰色其

母者飛鳴不離 桐花鳥大如指具五色有冠視鳳來去視桐花開落

啄木鳥俗呼啄木官 鴟鵂俗呼春雞 鴟鵂俗呼佛友又名八哥午日剪舌能學語

鱗之屬萬載地居上游水淺灘多產魚殊少惟鯉鯽生子其鮓鯉鱮鱖之類皆出九江每歲三月土人至彼貨其水謂之挑魚苗轉售城鄉池塘養之惟樸樹潭魚肥而價廉 鯉所在池澤有之土人早禾耘畢取魚苗置田中刈時取供農工長可三四寸 鯽 鱮俗呼黃鱮 鱮似鯽而短俗呼泥鳅 鰻鱧一名白鰻 金魚俗呼紅魚好事者畜之矜奇射利多者至十餘缸色不一以凸睛短體大尾為上有三尾五尾或至七尾者其名則堆金砌玉落花流水隔斷紅塵各自標榜之

介之屬 鼈俗呼脚魚 蝦一名沙虹蝦多歲荒 田螺種類大小不一

蚌蛤形長曰蚌圓曰蛤 穿山甲

蟲之屬 蠶城中婦女間育之使自經緯為衾具鮮線絲者 蜻蜓俗呼江

雞 蜂 蟋蟀 竈馬俗呼竈雞 蚊蝶一名蝴蝶形色大小不一

蠅小者名蠅 馬陸俗呼百脚 螢俗名螢火蟲 壁錢似蜘蛛而小色

斑豎上作幕如錢 螳螂 蜘蛛 蝦蟆俗名土蛤一種背雅磊者名癩蝦

蟻 蛙 水蛭俗呼馬蟻 螻蛄俗呼土狗 蝸牛 蚱蜢 蝙蝠俗

名挑檐老鼠出竹山洞雲峯洞者大如蒲扇 蛇種類不一大者長七八尺名

烏梢短小者尤毒

金石之屬 鐵出黃茅鐵山界舊有冶場今廢 礬子出湖溪皂山蹈村莖

器資以光澤 麻石俗呼藤石出吹熬丁田色白質廉無紋理 白石出金

鐘湖湯周山大小皆六稜光似水晶而差暗 青石出金鐘湖青質黑理可爲

屏又一種出東坑色青黑有黃斑細潤而堅土人琢以嵌桌檯佳者中硯材

煤俗呼煤炭各區皆產堅黑而光極有火力

貨之屬 夏布績苧織成俗呼扁紗多潤幅惟楮樹潭周陂橋出者勝狹幅

圓紗尤貴此貨通行四方商賈輻輳二三月爲買春庄七八月爲秋庄

菜油採蕪臺子榨之各鄉皆產白水尤多 葛布粗細不一出十八渡者佳

桐油採桐核榨之各鄉皆出特不多耳 茶油採茶樹核榨之出二三四區

商販皆聚楮樹潭 爆竹全紅琢鞭尤佳南北通行商販絡繹 表心紙以

石灰水漬竹黃釀膠而成四五六區皆出有大小別之分光淨者貴商販皆聚

大橋虛家洲 皮紙搗穀楮樹皮爲之出皂山 火紙以竹黃之麤者雜稻

根爲之出謝陂者佳 花箋紙出高村高槽等處嫩薄光淨勝表心紙

靛以藍葉漬和石灰澄瀝而成各鄉皆出 油扇各鄉俱出大橋尤夥質麤價

廉近亦轉販他省 瓷器出自水源頭冲章源青背坑質麤黝燥漸亦行遠

酒藥以草藥合早穀春粉成丸有燒酒小酒二種出三區

錢法關國計而民間之利害應之非熟諳中外情形者所得而妄

議則且以一隅之見姑發其端可乎制錢以權緩急通有無飢不

可食寒不可衣流行不滯衣食在其中便於輕賫則銅不如銀銀

不如金然皆無用亦第如紙鈔之通行而已國家調劑出入盈虛

之數金銀猶紙幣也不可謂紙幣即金銀也上下七八十年間咸

同代謝有當百當十之錢久之而當十者行於京內而僅抵二文

輕重相若而亦不能行遠何也制錢缺乏私鑄禁如而商人乃濟之以票一紙千文信用無阻票到即兌與錢不殊而銀元之來自番舶者大埠多有則鑄銀元以抵制之銀元日增貨價日減初以一元易千二三百文者減至七八百文則鑄銅元以彌縫之其云以一當十而量不及制錢之二文利之所在各省分鑄當十未已改當二十銀重而銅愈輕初以一元易百二三十枚者當二十則倍之鄉人稱當十曰單元二十曰雙元雙元日多單元日絀至不用單元而用單元票雙元亦幾無之利權悉操於銀行中國交通中央三行爲國有裕民一行爲省有其他各國各省之行更僕數而不能終也法窮則變竟將通行之重幣收歸國有而以一紙疏

行於通國名之曰法幣一紙而五元一元者到處有之視金銀爲便利而愚者相率積金銀以紙幣爲無用不知金銀之與紙幣等也匹夫無罪懷璧其罪縣人宋子丹齒於用而厚其貲積至一萬少五元被匪尋獲命亦不保可哀也而亦愚不可及也瞬見一十八九年銀幣之一元足兌法幣五元而未有已赤金一兩易法幣七八百元何相懸若斯之極也制國用當有以善其後矣

民國二十年後勵行新政征用民夫修培公路建築機場抑或疏洗河道開通溝渠及夫軍興送板木運餉械絡繹道途幾無虛日時過境遷用民之力幾百千萬無從而統計矣迄今有案可稽者民國二十二年十月建築飛機場征用民工達四十三萬有餘二

十八年三月因戰事緊張奉令破壞征用民工一萬零六百六十八二十九七月又奉令破毀征用民工一萬一千四百有奇二十七年十一月毀公路徵用民工五十七萬餘又本縣人行大道奉令削窄爲一市尺至二十九年七月止徵用民夫達十萬以上二十八年八月奉令拆城徵用民夫四萬九千六百七十五他如軍運代辦所徵用民夫達五萬八千四百二十三人手車五千四百十二輛轎夫二千六百二十八民船二千九百五十八艘竹筏四百二十六

耕當問奴織當問婢凡事必其所素習始能委曲詳盡而言之成理手不工算數心不精會計焉足與談商業乎遠者吾不知側聞

諸父老之言矣道咸之間茶油產盛運銷於高安松湖進而南昌有同人堂九江有會館皆油商往來居積之所也山木禁弛樹多戕伐油業衰矣衰之極而百不一存非不禁也禁會名存而權操於自治其實亡焉幸而有與油業相頡頏者曰夏布曰表芯紙油業衰而爆竹盛是爲縣境商業三大宗咸同變亂十數年而遂復其初以刀兵僅及於城市年老而深居者幾不知山外有戰爭今日之以爲閉塞者當時幾不識不知而老死不相往來也奈何交通日便留遷且日絀內地如潯漢蘇杭閩廣等處莫不有商人之足跡而且及於高麗仁川然未見有滿載者短衣用外貨而夏布滯銷包裹以牛皮紙而表芯減色爆竹以銷耗品論而民國初年

事而或日禁之影響所及手工短價矣竊思貨物白衣食器用外銷耗寧可勝數舶來之品銷耗何限提倡實業振興國貨改良製造一切以空談了之吾爲萬載惜吾尤爲今之從政者惜慎弗以爲狂瞽而目笑存之也此稿亦成於民國二十四年近來交通阻塞土貨滯銷外貨奇昂內山於表悉紙一項改作毛邊行見清平之抵制其爲先導矣商會創設於清季光緒二十六年稱工商局設城隍廟內以財神廟店房及米坊等租息充會費不敷由商募足民國四年稱商會分會辛會長際唐將九江萬載會館出金收歸八年建築會所於城隍廟側款由樂捐呈准工商部立案十六年改爲商民協會未幾改委員制仍稱商會十九年始頒商會法由縣黨務指導委員

會組織派員監視組織票選執行委員十五人從執行委員選常務委員五人主席一人監察委員七人均義務職凡商舖有同業七家者照使用人數推派代表稱爲公會會員不及七家者直接入會每家得派會員代表一人稱爲商店會員代表本年六月奉到修正商會法應照新法改組規定同業有三家者即須組設同業工會按商店足資本千元以下爲一單位千元以上三千元以下爲一單位又二分之一三千元以上至五千元爲二單位五千元以上至一萬元爲三單位每遞增加五千元加一單位五單位以上得派代表二人但代表至多不得逾五人其公會以本會收入會費十分之二或十分之一負擔商會事務費非公會會員按

上列單位繳納商會事務費自一單位至五單位均得派代表一人惟選舉權以一單位為一權一權即可投一票由所派代表投之每二年改選半數與前法同共成二十八商業公會經費一則自庚午以後每二年約四千四百元自二十八年七月起百物高拾預算二年約六千餘元

萬載縣各業公會暨公司行號單位代表權數一覽表民國二十九年八月八日縣商會制

業別	商店數	單位	代表人數	權數	是否成立公會	備註
煤竹	一六七	二一	五人	二一	成立公會	

業別	商店數	單位	代表人數	權數	是否成立公會	備註
綢布百貨	六八	全	全	全	全	
鹽	二八	全	全	全	全	
南貨	三六	一六	四人	一六	全	
茶餅	一七	一二	三人	一二	全	
中藥	三一	一五	四人	一五	全	
煙燭	一三	一〇	二人	一〇	全	
糧食	七	四	一人	四	全	
銀樓	一二	六	二人	六	全	
皮鞋	一四	三	一人	三	全	
油	一四	二	一人	二	全	

書紙	竹木	屠宰	茶旅館	民船	樂	引線	酒	豆豉
一四	五五	三四	四五	二六七	七	二七	一一四	一〇
六	六	九	五	八	二	六	一二	三
二人	二人	二人	一人	二人	一人	二人	三	一
六	六	九	五	八	二	六	一二	三
全	全	全	全	全	全	全	全	全

以上十九業係民國二十年成立

鞋	襪衣	夏布	銅鐵	銅鐵錫器	成衣	埋髮	油傘
一四	一一	一六	一四	五四	三五	三三	一一
二	三	一六	三	六	四	三	二
一	一	四	一	二	一	一	一
二	二	一六	三	二	四	三	二
全	全	全	全	全	全	全	全

因廿七年藉浙失商店收歇不繼七家呈准取銷公會

以上九業係本手

典	工廠	山貨	瓷陶
一	一	三	五
四	一	一	一
一	一	一	一
四	一	一	一
全	全	全	全
七月成立			以上未設公會

萬載縣出產衰旺調查表

物產名稱	地區	以前產量	現在產量	銷售地點	備考
夏布	縣城	大捲闊幅 三千筒			

大橋	潭埠	爆竹縣城
中捲二千筒	小捲狹幅 一萬二千筒	一萬一千箱
中捲闊幅 一千二百筒	小捲狹幅 二千筒	
漢口沙市 無錫上海 仁川鎮江	饒州鄒山 南昌蕪湖 樟柱贛州	浙江
自蘇浙失陷各布價提 湘南亦加銷場	自南昌失陷吉安撫州 畧加銷場	

株潭 一萬四千 三千

蕪

表芯紙

高村

頭印九萬 石

一萬五千 石

南京蕪湖

自南昌失陷絕無銷場

上海吳城

南昌

大橋

二印一萬 五千石

二印二千 五百石

黃茅

大別一萬 五千石

大別二千 五百石

百合粉

白水

二百石

六十石

南昌九江 安慶

自南昌陷絕無銷場產 地收製比運湘潭出賣

萬載縣商舖數量調查表

市名	商店數量		備考
	關閉若干	傾圮若干	
縣城	八百五十	一百六十	四
			六十二
			炸壞若干

株潭大橋各有商會未 據將商店商業報告注 明

農工會十八九年間起於縣城打倒土豪劣紳之語由其操縱威 福由己生殺有權此推彼倒終竟禍自己求亦或死不以罪以犁

鈿斧鑿爲徽章重農勸工事無不是謂從此卽可以治國平天下
恐未必然若更借此以挾詐懷私爭權奪利則自敗之道也錄此
以觀時勢廣見聞且使後之人知所棄取也

合作社起於五六年前聽人集股以一元爲一股至少一股集到
股本多少可以領借公款年息八釐或疑其似青苗錢實不相同
其要在經管得人焉耳

株潭在清初止茅店數家後來漸增繁盛而進出口貨寥寥無幾
咸同兵燹以前年有會期在九十月間商賈雲集貨物駢臻鄉人
嫁娶所需只待會期采辦雖小有行商水行不過到瑞州淞湖日
中路陸行則至瀏陽止耳走數百里及數千里者曾不一聞或隨

車陂頭李姓根船最爲遠客舶來之品嘍嘍羽毛珍同拱璧蠶絲
之質紡縐與緞止耳兵燹以後會期停頓鴉片輸入遠行趨利者
及於閩廣滇蜀而外貨輸入土貨亦漸漸輸出其時商民之事以
街保領之細故爭訟或訴及巡檢司清例巡檢之職不得擅受民
詞所司只暑宰賭博及民間鬥爭口角排解不能自了卽應將全
案送縣所恃以養廉者商民饋送節壽款實亦屬所得無幾而爲
利最厚則莫如賭規必須聯絡地方不正之紳安然無事卽正紳
亦不甚過問賭所在地萬壽宮後左偏破屋數間曰麥芽寮賭日
益盛利日益豐卽地方日益多事而有數正人不平控於縣無甚
動靜進控於府一而再至三四五不已賭禁巡檢撤任麥芽寮充

公破屋原來有主不敢出而承認則收歸萬壽宮以磚牆圈入清
季各商舖均得建設商會其時株潭商店大小四百餘家多少集
資而商會以成築屋數椽會長純盡義務會計之司小有津貼四
五十年來株潭幾爲煙土滙集地煙禁議起走私者紛至踏來禁
益密私益多搶掠時聞商會不勝排解亦恐滋生事端則聯絡街
鄉決議抽收過路費計所得之多少爲建築之高低其時會長則
石塘附生龍鶴言因利乘便潔己奉公絲毫不以入己買地肇工
大興土木局勢開展棟宇崇隆細碎不計正棟上下爲屋十間牆
垣高峻池沼活潑樹木陰涼花草環繞已爲他處商會所不及樓
上爲會場登樓一望羣山聳翠一水澄清叢竹高低稻田櫛比天

然一幅畫圖商場得所額手稱慶功集事成而會長交卸計建築
及田產之資達貳萬餘元收到一個不要錢之名而已矣既到袁
州充旅袁同鄉會長則集捐建築同鄉會規模宏濶并制田產亦
達貳萬餘元復充宜春商會會長適當師旅往來應接不暇崇實
美夏布受累達萬數千元而會長不能維持商情亦不易結合而
於株潭商業未嘗不時措意也鴉片既衰煤業日蹙商民亦日
有起色直至匪亂紛起百物蕩然商會之屋幸存而繼其後者不
如前此之高潔於庭院亦不甚收拾今欲恢復原狀俟之數年履
行章程則與縣市無甚異同也附錄門樓一聯大道此交遊常東
西是問清流來萃會亦左右逢源又議堂一聯豈徒巷議街談背

後參差長短敢傍仙宮神宇眼前顛倒是非均係龍行言撰鶴言
手書十月十六日記

日用所需莫先衣食自水陸日益交通衣之爲用率仰給舶來二
三十年婦女不復紡棉幾不知紡車爲何物尋常衣服買布爲之
以尺計而以錢易者初則不過一百左右旣則一角左右今則一
元左右十倍而未有已白布六七角色布一元或不及一元或不
止一元此猶曰外來也油土產也每斤一元餘豬肉家畜也每斤
達一元雞一斤一元以上凡若此者可以類推米斗五元以外迄
不知其所底或曰生活程度愈高世界愈文明其然豈其然乎